



108120

kat.komp.




Mag. St. Dr.



108120

I





Cu  
E  
tan  
So

T

# QUINQUAGINTA RATIONES

*Et*

## MOTIVA,

*Cur in tanta varietate Religionum  
& Confessionum Fidei in Christiani-  
tate moderno tempore vigentium,  
sola Religio Romano-Catholica, sit  
eligenda, & omnibus aliis  
præferenda*

*Aquodam*

## NEO-CATHOLICO

*Omnibus Dominis*

## ACATHOLICIS OBLATA.

*Olim Varſaviæ Typis Soc: JESU  
impreſſa Anno 1734.*

*Nunc reimpreſſa Anno 1744.*

---

---

*Typis Colleg: Lublinenſ: Soc JESU.*

*Lib. Bibl. Bzyl. Lubl.*

108120

I



K 1951 nr. 1491


22

R

P

Reli  
unic  
solu  
amor  
temp  
qua  
antib  
berer  
Acad  
f m,  
res o  
li s tr  
Acad





## PROLOQUTUM.

**P**ostquam complures annos magno studio & summa diligentia ac sedulitate in investiganda vera Religione & Fide salvifica, (quàm unicam esse sciebam) insumpsissem, solius veritatis indagandæ gratiâ, & amore salutis æternæ, longissimoque tempore anceps animo hæsissem, quàm nam ex tunc in diversis Religionibus ac Confessionibus tenere deberem? atquè hunc in finem, varias Academias & Universitates obivissem, plurimos Authores, & Scriptores de modernis Fidei Controversiis tractantes tam Catholicos, quàm Acatholicos evolvissem, multos Do-

Stores diversarum Religionum, ac  
 Confessionum consuluisse, variis  
 publicis disputationibus de his mate-  
 riis interfuisse ac ipsemet quoque,  
 cum primariis viris singularum le-  
 ctarum Confessionem, ac Religio-  
 num privata colloquia hac de re  
 instituisse, dubia mea tam Catho-  
 licis, quam A catholicis propotuis-  
 sem, neque tamen id, quod unice  
 desiderabam consequi ac obtinere  
 valuisse. Tandem statui mecum,  
 opportunum tempus & locum mihi  
 seligere, in quo sepositis omnibus  
 aliis curis, ac negotiis, in hoc uni-  
 cum negotium negotiorum omni-  
 um maximum ( utpote æternam fe-  
 licitatem aut infelicitatem concer-  
 nens) totus quantus incumbere, &  
 illud in seriam deliberationem as-  
 sumerem. Atque ut hujus delibe-  
 rationis salutarem animæ meæ effe-  
 ctum, totiusque exoptatum finem  
 asse-



assequerer, sequentia eidem iudica-  
vi præmittere:

*Primò.* Auxilium & gratiam  
Spiritus Sancti, impensè implora-  
re, ac lumen veræ Fidei, à DEO tan-  
quam à Patre luminum, qui illumi-  
nat omnem hominem venientem  
in hunc mundum, magnis votis ex-  
poscere. (Fides siquidem est singula-  
re donum DEI, quo illustratur ho-  
mo ad assentiendum omnibus, quæ  
DEUS nobis revelavit.)

*Secundò.* Constitu ac firmiter  
proposui, me à vitiis per gratiam  
DEI continere, notum siquidem ha-  
bui, quoniam in malevolam animam  
non intrabit sapientia, nec habitabit  
in corpore subdito peccatis, & certus  
sum, ac fui, plurimos retardari ab  
agnitione veræ Fidei, eaque ample-  
ctenda, ex eo, quòd sint irretiti mul-  
tis vitiis, sed præsertim carnalibus.

*Tertiò.* Deposui omnem affe-

At

Quam

Cum privatum, & magis inclinante ad unam potius Religionem, quam ad alteram, omnemque præconceptam sinistram opinionem de altera; sed statui me coram DEO, penitus indifferentem, ad hanc vel illam Religionem eligendam, pro ut mihi Spiritus Sancti gratia, ac recta ratio, absque omni affectione privati commodi, & timore alicujus incommodi temporalis, dictaverit.

*Quarto.* Hanc deliberationem & electionem ita conatus sum instituere, sicut opussem illam instituere in hora mortis, & in extremo die judicii, & rationem dare DEO, cur potius hanc Religionem elegerim, & non aliquam aliam. Unde proposui in animo, ut si in aliqua Religione vel minimum errorem in dogmate Fidei reperero, eandem illico rejiciam, neque amplius

in ma-



in materiam deliberationis assumam. Ecclesia enim DEI vivi, debet esse, & est, Columna & firmamentum veritatis. Tim: 3. v. 15. Sed Columna veritatis nullum fultit errorem, ergo vera Ecclesia DEI nullum in Fidei dogmate debet habere errorem. His præmissis ut fundamentaliter procederem, præsupposui, primo certa infallibilia fundamenta Fidei Christianæ, & in quibus omnes Religiones Christianæ, licet inter se differentes, convenire debent, & quæ negari non possunt ab ullo Christiano, sine summa impietatis, blasphemie, & Atheismi nota præsupposui. 2do Principia rectæ rationi conformia in eligendis rebus, quæ ab omnibus prudentibus admittuntur, quæ qui reicere vellet merito argueretur magna imprudentia.

Az

Porro



Potro fundamenta in quibus  
omnes Christianæ Religiones con-  
veniunt, sunt;

1. Datur DEUS verus & unus.  
2. Hic DEUS est Ens perfectis-  
simum, essentialiter includens omnem  
perfectionem, & excludens omnem  
omnino imperfectionem.

3. Hinc essentialiter est verax,  
ita ut nec falli nec fallere possit, nec  
falsum dicere, seu nec aliter rem ali-  
quam revelare quàm sicut eam co-  
gnoscit, nec aliter eam cognoscere  
quàm sit in se, adeoque tam in co-  
gnoscendo quàm in dicendo est es-  
sentialiter verax.

4. Est Omnipotens. Apud  
quem omnia sunt possibilia. Mat. 1. &  
non est impossibile apud DEUM omne  
verbum. Lucæ 1. Et illud huma-  
no aut etiam Angelico intellectu,  
comprehendi non possit.

Deus



5. DEUS est Fidelis, absque  
ulla iniquitate, Justus & Rectus.  
Deutor: 32. v. 4.

6. DEUS est immutabilis. Non  
est DEUS quasi homo ut mentiatur, nec  
ut Filius hominis ut mutetur. Num:  
23. apud quem non est transmutatio,  
nec vicissitudinis adumbratio. Jacob.  
n. v. 16. quidquid igitur DEUS re-  
velat, verum est, & simul possibile;  
& quidquid promittit, id potest &  
vult prestare, & prestabit infalli-  
biliter.

7. DEUS est Sapientissimus. *Cajus*  
*Sapientia non est numerus.* Plal. 146.

8. DEUS est infinite misericor-  
diae, Dominator Dominus DEUS mi-  
sericors & clemens, patiens & multa  
miserationis. Exod: 34. *Et miseri-*  
*corata Domini plena est terra.* Plal. 118.

9. DEUS est iustus. Est Re-  
munerator bonorum, & Vindex ma-  
lorum. *Iustus in omnibus viis suis.*

**Psal. 144. v. 18.** *Credere oportet ac-*  
*sedentem ad DEUM quia est, & in qui-*  
*rentibus se Remunerator sit. Ad Heb:*  
*11. v. 6.*

**10. DEUS** est summa Sanctitas,  
& summa Bonitas & Benignitas.  
*Sanctus, Sanctus, Sanctus, Dominus*  
*DEUS Sabaoth. Isai. 4. Et Sanctus*  
*non solum in se, sed in omnibus ope-*  
*ribus suis. Psal. 144. v. 17.* Hoc  
igitur fit: certum ac indubitatum  
quoddam quæcumque Doctrina continet  
aliquid his divinis perfectionibus re-  
pugnans, simpliciter falsa fit, & o-  
mnis secta quæ talem doctrinam  
pro Fidei dogmate habet, fit erro-  
nea ac proinde absolute reſcinda,  
nequæ in materiam deliberationis  
assumenda.

**11. Unicam** homo habet ani-  
mam, quam necesse est aut damnari,  
aut salvari per totam æternitatem.  
*Quid autem proderit homini etiam si*  
*univer-*



universum mundum lucretur, animæ  
sed suæ detrimentum patitur, aut  
quam dabit homo commutationem pro  
anima sua?

12. Aternitas est, cuius finis  
nullus, cuius mensura semper, est  
series infinita temporum, est nume-  
rus saeculorum sine termino.

13. Finiti ad infinitum nulla est  
comparatio. O felix beatorum eter-  
nitas, O misera damnatorum! hac æ-  
ternitas alterutra, nos expectat, sine  
vera Fide, illa non obtinetur. Ergo si  
hanc non habuerimus, altera infeli-  
cissima infallibiliter nos manet.

### PRINCIPIA PRUDENTIÆ,

*In rebus præsertim summi momenti  
eligendis.*

1. **I**n electione & præelectione re-  
rum, præferenda sunt majora  
bona, minus bonis, & fortiori i-  
pse malis; certa, incertis ac dubi-


is, vera falsis, perpetua ad breve, tempus durabilibus, æterna quibuscunque temporalibus, conformia rectæ rationi, eadem difformibus.

2. Ad finem unice desiderabilem obtinendum, adhibenda sunt media apposita & proportionata, & potius magis certa, quàm minus certa, vel omnino incerta.

3. Ex mediis ad salutem æternam consequendam, illa sunt certiora, per quæ constat multos consecutos esse salutem æternam, quàm ea, per quæ neminem certo constat, eam adeptum fuisse.

4. Illa quoque media ad salutem sunt certiora, quæ adhibenda suadet recta ratio, & authoritas Virorum sapientum, ac eximiis virtutibus prædicatorum, & Sanctorum, aut quæ suggerit ipse Spiritus DEI, quàm quæ dicat caro, sanguis, mundus, & vitæ

licent



breve  
qui  
infor-  
ormi-  
rabi-  
sunt  
a, &  
minus  
eter-  
rtio-  
onse-  
quàm  
istat,  
item  
adet  
m sa-  
pre-  
fug-  
que  
vita

licentia, ac libertas. *Spiritus enim*  
*est qui vivificat, caro non prodest*  
*quidquam. Job: 6. v 64. Qui enim*  
*secundum carnem sunt, quæ carnis*  
*sunt, sapiunt; qui verò secundum Spi-*  
*ritum sunt; quæ sunt Spiritus senti-*  
*unt. Nam prudentia carnis mors est;*  
*prudentia autem Spiritus, vita & pax;*  
*quoniam sapientia carnis inimica est*  
*DEO. Ad Rom: 8. v. c. 6. 7. 8.*  
*Qui autem in carne sunt, DEO plac-*  
*ere non possunt.*

His fundamentis & prudentiæ  
principiis in eligendis rebus præsup-  
positis, institui sequentes considera-  
tiones, ex quibus erui convincentia  
motiva, cur potius elegerim, & am-  
plexus fuerim Fidem Romano-Ca-  
tholicam, quàm ullam aliam lectam,  
ex illis, quæ nunc in Christianitate  
vigent, cùque omnes cæteras Reli-  
giones repudiaverim.





## CONSIDERATIO PRIMA

Pro prima itaque Consideratione  
— assumpsi in deliberationem, utrum  
melius fecero, si me adjunxero Sta-  
tui Catholico vel Evangelico ( quo  
titulo gloriuntur in Hungaria Luthe-  
rani & Calvinistæ simul ) Et quidem  
quisnam, & qualis sit Status Catho-  
licus, illicò intellexi, nempe quòd  
sit eorum qui sequantur Fidem Rò-  
manam per totum orbem terrarum,  
semper & ubiquè, ac in omnibus  
Articulis Fidei sibi æqualem ac simi-  
lem. Circa autem statum Evangeli-  
cum, statim impegi in periculosissi-  
mum scopulum; sic enim mecum ra-  
tiocinabar. Status Evangelicus de-  
beret ille esse qui tenet doctrinam,  
per omnia Evangelio conformem.

Atqui

Atqui doctrina quàm tenent Luthera-  
 ni & Calvinistæ simul, non potest  
 esse conformis Evangelio. Dux si-  
 quidem doctrinæ sibi contrariæ vel  
 planè contradictoriæ simul non pos-  
 sunt esse conformes eidem veritati  
 Evangelicæ, sed alterutra earum ne-  
 cessariò debet esse dfformis eidem.  
 Constat verò doctrinam Lutherana-  
 rum & Calvinistarum in multis  
 Articulis Fidei sibi esse contrarias &  
 planè in aliquibus contradictorias.  
 Ergo utraqùe simul non potest esse  
 conformis veritati Evangelicæ. Er-  
 go non possunt constituere unum  
 sistum Evangelicum, adeoque hic  
 status est omninò chimericus. Ego  
 autem nolui in hac mea electione  
 & deliberatione venari chimeras,  
 sed indagare ipsam veritatem rerum  
 Fide Divina credendarum. Igitar  
 hic status Evangelicus non cadit sub  
 meam electionem & consequenter  
 illum.

illum ab eâ prorsus judicavi relictum.

### CONSIDERATIO II.

**D**Einde institui hanc Considerationem. Cum Calvinistica & Lutherana Religio simul utraq; non possit dici Evangelica; an saltem alterutra, & seorsim illarum aliqua sit Evangelica; adeoque una alteri præferenda & consequenter hæc potius quàm illa præligenda; sed rursus hæsi. Ratio siquidem ipsa mihi distulit in prælectione unius rei præ altera, debere esse potiores Rationes pro una parte, quàm pro altera. Non potui autem invenire potibrem rationem, cur Lutherana doctrinâ debeat dici Evangelica, quàm Calviniana, nec è contra; sed nequè ab ipsis Lutheranis & Calvinisticis hanc extorquerè potui. Nam utraq; pars citabat pro se aliquos textus Evangelii, &



illi, & circa citatum textum Lutherani aliter eundem interpretabantur, aliter item Calvinistæ. Et illi asserebant suam interpretationem esse veram ac genuinam, ac Calvinistarum falsam, & è contra Calvinistæ suam interpretationem esse veram & Lutheranorum falsam. Utraque autem pars veritatem suæ interpretationis probabat ex dictamine proprii Spiritus, qui erant sibi prorsus oppositi, & neutra pars potuit assignare rationem vel motivum, cur potius, alterius Privatus Spiritus & Criticiorum aberret à veritate interpretationis & non suus. Non potui proinde inter has duas doctrinas, quam potius eligere quàm alteram. Ergo utramque judicabam reiciendam.

### CONSIDERATIO III

**I**llud quoque capere non potui, quo fundamento Lutherani, & Calvin-

Calvinistæ excludant à statu suo Evangelico, Anabaptistas vel Arianos. Nam hi eodem planè jure, dicunt se debere vocari Evangelicos & suas doctrinas conformes esse Evangelicæ veritati. Imò à potiori, quàm Lutherani, & Calvinistæ. Anabaptistæ siquidem dicunt: In Evangelio nullibi legimus infantes esse baptizatos; Imò Christus dicit: *Qui crediderit, & baptizatus fuerit, hic salvus erit.* Ergo Fides debet præcedere Baptismum, Fides autem non datur nisi in adultis, ergo ante adultam ætatem nemo debet baptizari. Ergo nostra doctrina est conformior Evangelio, quàm Lutheranorum & Calvinistarum admittentium baptismum puerorū. Ariani pariter dicent: In Evangelio expresse dicit Christus: *Pater major me est.* Ergo nos, juxta Evangelium docemus Filium in Divinitis non esse æqualem Patri, sed

nino

minorem Patre. Nec admittimus  
præfenti Textu interpretationem  
SS. PPm Filium esse minorem Patre  
secundum humanitatem, æqualem  
verò secundum Divinitatem (si ea  
contra nos adducatur à Lutheranis  
& Calvinistis) Quia & ipsi Lutherani  
& Calvinistæ, in materiis contro-  
versis inter se & Catholicos, inter-  
pretationem SS. PP. reiciunt. Nec  
est major ratio, cur in hoc puncto  
authoritas PP. deberet valere, & non  
in aliis materiis Fidei?

Si verò ipsi suam & privati sui  
Spiritus interpretationem adducant,  
petent sibi eandem interpretatio-  
nem ostendi in scriptura expressis  
terminis, cum utraq; pars admittat  
quodd nihil sit credendum, nisi quod  
expresse & explicitè ac clarè in scri-  
ptura Sacra habeatur.

CONSI-

CONSIDERATIO IV.

**I**n præfenti Consideratione occurrit mihi monitum illud scripturæ Sacræ: *State super vias & videte, & interrogate de semitis antiquis. quæ sit via bona, & ambulate in ea.* Jerem 6. & judicavi apud me illam viam ad Cœlum esse meliorem, securiorem, & magis certam ac tutam, per quam constat, quàm plurimos jam pervenisse ad Cœlum, quàm illam per quam hætenus neminem constat ad Cœlum pervenisse. Subsumpsi deinde: At qui pro certo constat quod multi qui in Fide Romano-Catholica vixerunt & mortui sunt, salvati sint; quod verò aliqui, aliàs Religiones tenentes salvati sint; verò non constat, & inde intuli: Prædem Romano Catholicam certiorẽ viam esse ad salutem consequendam, quàm quancunque aliam Religionem, ac proinde hanc præ aliis eligendam.

CON-



CONSIDERATIO V.

**H**inc ulterius sic argumentabar.  
 Omnis qui salvatur, placet DEO.  
*Atqui sine vera Fide nemo potest placere DEO,* Ergo Fides & Religio illa  
 per quam quis salvari potest, est vera,  
 sed indubium est multos tenen-  
 tes Fidem & Religionem Romano-  
 Catholicam salvatos fuisse (Quod  
 nec ipsi quidem Adversarii negare  
 audent) ergo Fides Romano-Catho-  
 lica est vera Fides ac Religio. Ergo  
 hæc est eligenda.

CONSIDERATIO VI.


**H**inc rursus sic arguebam: Sicut  
 Unus est DEUS verus, ita &  
 una Fides est vera; juxta illud S.  
 Pauli: *Unus Dominus, una Fides,*  
*unum Baptisma.* Ad Ephes. 4. v.  
 4. Una igitur est Fides vera & sal-  
 vifica, sicut unus est Dominus, *sive*  
 DEUS. Ergo si Catholica Fides est

vera

vera & salvifica (ut ostensum est)  
Reliqua Religionum genera non ha-  
bent rationem veræ Fidei, neque  
extra Fidem Catholicam datur salus.  
Ergo Fides Catholica est præ cæteris  
mihi eligenda.

### CONSIDERATIO VII.

**S**ed & illud me plurimum confir-  
mavit, in proposito ad amplecten-  
dam Fidem Romano-Catholicam,  
quod Catholicos salvari posse eti-  
am Hæretici profiteantur, Catholi-  
ci autem firmissima Fide credunt  
neminem extra Ecclesiam Romano-  
Catholicam salvari posse. Quæ ergo  
dementia foret, cum Catholicis non  
stare, (quos etiam Adversarii salvari  
posse admittunt) sed cum Acatholi-  
cis, quos Catholici salvari posse ne-  
gant. Cui enim non suaderem  
tuciorum in periculosissimo discrimi-  
ne viam. Illa autem est tuti-  
or, quam



est) or, quam probat utraq[ue] pars. licet  
on ha- sibi adversaria, quàm illi, quàm una  
nequē tantum pars probat, altera etiam ju-  
salus. rando reprobat. Sic nemo dubitat  
ateris utriusquē medici iudicio medicinam  
probatam tutius accipi, quàm alte-  
rius iudicio damnatam, ut mort fe-  
ram.

#### CONSIDERATIO VIII.

onfir- **M**emor verò illius moniti Deu-  
cten- tor: 32. *Interroga Patrem tu-*  
cam, *um, & annuntiabit tibi, majores tu-*  
eti- *os, & dicent tibi.* Et illius Prover-  
holi- bior: 22. *Non transgredieris termi-*  
dunt *nos antiquos, quos posuerunt Patres*  
natio- *tui.* Consului libros veterum SS. PP.  
ergo quid consilii ex ijs capere possim,  
non super hac quæstione; utrū Roma-  
lvari- no Catholicam Fidem, an aliquam ex  
holi- aliis Religionibus amplecti debeam?  
e ne- Ex his primus mihi occurrit S. Au-  
erem- gustinus (qui pariter ex Manicheo-  
rimi- rum heresi conversus est ad Fidem  
tuti-  
m

Roma.

Romano Catholican.) Simul addens  
 rationem suæ conversionis Tom: 6.  
 contra Epist: Fundam. cap 4. hunc  
 in modum: *Multi sunt quæ in*  
*Ecclesia Catholica gremio me iustissi-*  
*mè tenent. Tenet consensus populo-*  
*rum, acque gentium: tenet Authori-*  
*tas miraculis inchoata, spe nutrita,*  
*charitas aucta, vetustate firmata:*  
*tenet ab ipsa Sede Petri Apostoli,*  
*cui pascendas oves Dominus com-*  
*mendavit usque ad presentem Episcopo-*  
*pum successio Sacerdotum. Et cap. 17.*  
*de utilitate credendi. Dubitabimus*  
*nos in ejus Ecclesia condere gremio,*  
*qua ab Apostolica sede per successiones*  
*Episcoporum, hæreticis partim confi-*  
*liorum gravitate, partim miraculo-*  
*rum Majestate, damnatis, Culmen*  
*Authoritatis obtinuit? Alter hoc ad-*  
*huc antiquior fuit S. Irenæus Lib: 3.*  
*cap: 3. sic scribens de Romana Ec-*  
*clesia: Ad hanc Ecclesiam, in qua sem-*  
 per



addens per conservata ea, quæ est ab Apo-  
 tom: 6. lis traditio. Tertius est Tertulianus  
 hunc in præscrip: cap: 36. Habes Ro-  
 quæ in man undè nobis quoquè Authoritas  
 u stissi præstò est, statu felix Ecclesia, cui to-  
 populo- tam doctrinam Apostoli cum sangui-  
 uthori- ne suo profuderunt. Quartus est S.  
 nutrita, H. conymus Ep. 3. contra Ruffi-  
 nenta: num cap: 4. Scito Romanam Fidem  
 apostoli, Pauli Authoritate munitam, ac in ex-  
 com- tremo dialogo adversus Luciferum  
 Episc. brevem (inquit) apertamquè animi  
 cap. 17. mei sententiam proferam; in illa Ec-  
 abimus clesia esse permanendum, quæ ab Apo-  
 tremio, stolis fundata usquè ad diem hunc du-  
 ssiones rat. loquitur autem citato loco de  
 confi- Romana Ecclesia. Demùm his ac-  
 aculo- cessit S. Nazianzenus, qui ad præ-  
 uimen sentem meam quæstionem sic re-  
 oc ad- spondet: (carmine de sua vita) Fides  
 Lib: 3. Romana recta erat jam antiquitus, &  
 na Ec- recta perstat nunc etiam, nexu pio,  
 a sem- quocunque sol videt, devincens.  
 per Qui

Quibus intellectis non potui, non  
acquiescere horum sapientissimo, &  
Sanctissimorum Patrum iudicio,  
decrevi: proinde Fidem Romano  
Catholicam amplecti.

CONSIDERATIO IX.

**R**Ecurri dein ad alios Sanctos,  
& Sanctas DEI, & quasi ex  
iis, in quam fide illi, & illæ vi-  
xerint, & per quam Fidem ad salu-  
tem æternam pervenerint? & re-  
sponderunt omnes, se in Fide Ro-  
mana vixisse, & per hanc fidem & ad  
salutem æternam pervenisse. Sic mihi  
respondit, ex Episcopis S. Martinus,  
S. Nicolaus S. Athanasius, & pluri-  
mi alii. Sic ex Monachis S. Domi-  
nicus, S. Franciscus &c. Sic ex Vi-  
dis S. Monica, S. Briggita, S. Elisa-  
betha, &c. Sic ex Virginibus S. A-  
gatha, Lucia, Agnes, Catharina &c.  
Unde hanc feci Resolutionem, si hi  
Sancti,

Sancti, & hæ Sanctæ, hanc Fidem te-  
nentes pervenerunt ad Cœlestem glo-  
riam, hæc profectio est tutissima, &  
securissima via ad Cœlum, & nulla  
alia quærenda.

CONSIDERATIO X.

CONverti me postmodum ad San-  
ctos Martyres, & ex his quæ-  
sivi, quæ nam fuerit illa fides, pro  
cujus veritate ipsi sanguinem suum  
fuderunt, exilia, & tantos crucia-  
tus, actormenta tam patienter susti-  
nuerunt, tam diuturnos carceres to-  
leraverunt? & responderunt, omnes,  
illam fidem non fuisse aliam, quàm  
Romano-Catholicam. Sic re-  
sponderunt mihi, Tres & triginta  
Martyrio affecti Romani Pontifices.  
Sic Cornelius, & Cyprianus; sic Fa-  
bianus & Sebastianus, sic S. Lauren-  
tius, sic S. Agatha, S. Cæcilia, S. Do-  
rothea, S. Barbara, & innumeri alii,  
& alia. Conclufi proinde mecum,

B fidem

fidem illam, in cuius veritatis testi-  
monium vitam suam deposuere, tam  
gloriosè, tam hilariter, & libenter  
tor & tanti Testes, non posse non  
esse veram. Quomodo igitur ampli-  
us potui dubitare de Ecclesiæ Roma-  
no Catholicæ veritate.

CONSIDERATIO XI.

**D**Eieci dein mentis oculos in Tar-  
tara, & vidi ibidem æternis  
cruciatibus torqueri Simonem Magū,  
Novatianum, Arium, Vigilantium,  
Pelagium, Nestorem, Macedoni-  
um, Marcionem, Machometem &c.  
& quæsi ex iis, ob quam cau-  
sam sint ignibus æternis additi,  
& responderunt mihi: causam  
hanc damnationis suæ esse, quod  
recesserint ab unitate Ecclesiæ Ro-  
mano Catholicæ, & Authores fue-  
runt sectarum ab illa alienarum.  
Salubriter igitur mecum conclusi  
quod si non volo cum illis æter-

num

num  
fia C

N

isse

Atq

na:

statu

Defu

Ro

dem

man

stoli

larii

ab i

eam

thol

id c

Nat

bas



num ardere, non debeam ab Ecclesia Catholica recedere.

## CONSIDERATIO XII.

**N**emo est qui dubitare possit, Sancti Pauli Apostoli fidem fuisse veram, & Apostolicam Fidem. Atqui hæc fuit eadem cum Romana: uti ipsemet Sancti Apostolus testatur scribens ad Romanos 1. v. 11. *Desidero simul consolari in vobis [Romani] per eam, quæ invicem est, fidem vestram, atque meam.* Ergo Romana Fides fuit, & est, vera, & Apostolica Fides. Ecce ipsi quoque adversarii concedunt veram, & Apostolicam ab initio fuisse, sed postea, dicunt eam defecisse: (quod Romano-Catholici constanter negant) dicunt id quidem illi, sed non probant. Nam si quis quærat ex illis: in quibus dogmatibus Fidei defecerit. &

ubi? ac quando? nihil certi adducere possunt: illis autem incumbere probatio. Profecto si certo constaret aliquam Familiam antiquissimæ Nobilitatis esse, & aliquis diceret,, habuisse quidem olim illam Nobilitatis prærogativam, sed postea eandem deperdidisse, talia dicenti, incumbere probatio, quando? & ex quibus causis eandem amiserit? quod si probare non posset, ad minimum in *Emenda lingue*, coram æquo Iudice convinceretur.

### CONSIDERATIO XIII.

**C**UM in hac deliberatione essem: An scilicet Fidem Romano-Catholicam præeligere deberem, vel aliam ab ea alienam; nova se mihi obiciebat difficultas. Nempè hæc: Quod si Catholicam Religionem rejicerem, iterum deberem aliam deliberationem instituere,

ere, quamnam ex illis ab Ecclesiâ Romano-Catholica alienis præeligere deberem. An Lutheranam? vel Calvinianam? aut Arianam? cum hæ Religiones in multis inter se discrepent, & adinvicem se gravissimorum errorum incusent. Imò estd me iam ad unam ex istis eligendam determinarem, necdum esset finis deliberationis, siquidem hæ Religionēs rursus sunt subdivisæ inter se; Et sic rursus instituere deberem novam deliberationem, quam nam ex tam diversis, & subdivisis tenere, & amplecti debeam. Præstabat igitur unâ fidelâ omnes has ex iisdem rationibus rejicere, & Fidem Romano-Catholicam amplecti. C. 6.

*Deus dedit, usquē ad consummationem Sanctorum, in opus Ministerii Pastores & Doctores in edificationem Corporis Christi, ne circumferatur omni vento doctrina in nequitia hominum, in a-*

*Studia ad circumventionem Erroris.*

Ad Eph. 4. v. 14.

CONSIDERATIO XIV.

**I**llud mihi statim initio hujus de-  
liberationis proposueram. Quod  
in quacunque secta vel Religione,  
errorem in fide & contra rectam ra-  
tionem deprehendero, illam omni-  
nò velim reiicere, nec amplius in  
materiam electionis assumere. Exa-  
minavi proindè varia fidei dogma-  
ta modernarum Religionum à Roma-  
na Catholica alienarum ex funda-  
mentis & principiis in exordio hu-  
jus dissertationis præsuppositis, sic  
de jisdem sigillatim discurrendo:  
Pro Exemplo primo potui hunc di-  
scursum. Deus est infinitæ sapientiæ  
& infinitæ bonitatis, & imposuit no-  
bis certa præcepta, ob quorum trans-  
gressionem gravissimè & quidem in  
æternum homines punit. Ergo de-  
bent talia præcepta illa esse, quæ cum  
illius



erroris.

s. de.

Quod  
gione,

am ra-

omni-

ius in

Exa-

dogma-

Roma-

funda-

io hu-

is, sic

endo:

he di-

scientiæ

it no-

trans-

ei in

go de-

aeum

ius.

illius gratia à nobis observari pos-  
sint, alias enim non esset sapientissi-  
mus Legislator, nec esset Benignissi-  
mus Dominus; si propter transgressi-  
onem illorum, æternū homines puniret.  
Nemo enim diceret illum sapientissi-  
mum esse Dominum, & simul Beni-  
gnissimum, qui servo suo præcipit id,  
quod absolute præstare non potest. V.  
G. ut solis cursum sistat, vel ut cælum  
digito tangat, & propter hoc, quod  
præceptum sibi impossibile executi-  
oni non daret, gravissimis pœnis, &  
exquisitis tormentis, eum puniret,  
ac excrucia-  
ret. Deus autem est Sapi-  
entissimus Legislator, & simul sum-  
ma imò infinite bonitatis, & Beni-  
gnitatis. Ergo nobis non proposuit ta-  
lia præcepta, quæ à nobis gratia illi-  
us adjuvante observari non possint;  
Ergo falsum dogma fidei est omnium  
novatorum, quod præcepta Dei im-  
possibile sit à nobis, adjuvante illius

gratiā observari.

Exemplum 2dum est, DEUS est summæ bonitatis. Ergo nihil admittendum est in Deo quod repugnat ipsius bonitati. Repugnaret autem ipsius summæ bonitati si aliquem ante prævisa ulla illius demerita, purè ex sua voluntate, præordinaret ac reprobareret ad æternam damnationem, imò hoc sine illum crearet. Ergo talis reprobatio in Deo non datur. Ergo falsum est hoc dogma Calvinistarum, adeoque reiiciendum, una cum sua secta, quæ illud tenet.

Exemplum 3um sit. DEUS est essentialiter verax & omnipotens & nihil apud eum est impossibile. Ergo cùm CHRISTUS (qui utiquè simul erat DEUS) porrigendo in ultima coena panem, & vinum Discipulis suis, dixerat: *Hoc est Corpus meum: Hic est sanguis meus.* Vel non dixit verum; & sic non est essentialiter verax.

verax. Vel non potest id facere, ut panis transeat in illius carnem, & vinum in Sangvinem; & sic non est omnipotens, adeoq; nec DEUS. Est autem DEUS, ergo essentialiter verax ac omnipotens. Et certè si DEUS potuit ex nihilo creare mundum, & CHRISTUS in Nuptiis Canæ Galileæ transmutare aquam in vinum, potuit & panem, ac vinum transmutare in Corpus suum, ac Sangvinem suum. Ergo hoc dogma fidei Calvinistarum, qui negant in Eucharistia realem præsentiam Corporis & Sangvinis CHRISTI, est falsum. Plura similia exempla adduce nus in sequentibus.

#### CONSIDERATIO XV.

**I**N hoc examine dogmatum Fidei, alienarum Religionum à Fide Romano-Catholica, reperi in ipsa plurima paradoxa, prorsus incredibilia, & rationi rectæ penitus difformia. Exemplum sit. Docent inter reli-

qua, hoc etiam: quod omnia peccata sint æqualia, nec ullam dari peccatum, quod sit veniale, unde sic arguebam: Verbum otiosum est peccatum; cūn CHRISTUS Dominus minetur de omni verbo otioso dandam esse nobis in die iudicii rationem. Ergo secundū hoc dogma Novatorum, est æquale reliquis peccatis: Ergo & peccato blasphemiae: Ergo & peccato in crudelitatis: Ergo & Apostasie à Fide Christi. Si est æquale his peccatis peccatum otiosi verbi. Ergo est etiam æqualis culpa. Si est æqualis culpa; Ergo æqualem meretur poenam. Si æqualem meretur poenam, Ergo etiam æqualem habet remissibilitatem, vel irremissibilitatem. Ergo æquè difficulter remittitur; ac alia peccata. Et tamen CHRISTUS de poenis & remissibilitate peccatorum longè aliud docuit; Nam Matth. 5 v. 22 dicit: Qui

trascitur Pratri suo reus erit iudicio,  
qui dixerit: Racca, reus erit concilio,  
qui dixerit: Fatus, reus erit gehennae  
ignis. Ergo irae affectus erga pro-  
ximum meretur quidem aliquam  
poenam; sed maiorem, verbum a-  
derbum, & adhuc maiorem verbum  
contumeliosum. Deinde i. Joan. 5.  
v. 16. dicitur. *Est peccatum ad mortem.*  
Ergo est peccatum aliquod, quod  
non sit ad mortem. Ergo non o-  
mnia peccata sunt aequalia. Præte-  
rea est peccatum, quod neque in  
hoc, neque in alio saeculo remitti-  
tur. Quale est peccatum in Spiri-  
tuali Sanctum. Ergo aliqua peccata  
sunt, quae in hoc vel in alio saeculo  
remittuntur. Ergo non est aequalis  
remissibilitas in omnibus peccatis.  
Ergo nec aequalis culpa. Ergo non  
omnia peccata sunt aequalia. De-  
mum Proverb. 24. v. 16. habetur.  
*Septies enim cadit justus & resurgit,*



*impii autem corrueant in malum.* Ergo sunt aliqua peccata quæ non tollunt habitualement justitiam; & alia quæ eandem tollunt. Ergo omnia peccata non sunt æqualia. Ergo sectam, vel Religionem illam, quæ hoc falsum Dogma tenet, meritò judicavi esse rejiciendam.

### CONSIDERATIO XVI.

**J**uxta eosdem, omnia nostra bona opera, sunt peccata. Et juxta eosdem omnia peccata sunt æqualia. Ergo omnia nostra bona opera, sunt æqualia peccata, reliquis peccatis: Igitur orare Deum erit æquale peccatum, ac blasphemare contra Deum: Et Elèémofynam dare pauperi, erit æquale peccatum, ac eundem pauperem spoliare: & injustè possessam rem restituere proprio illius Domino, erit æquale peccatum, ac eandem apud se invito domino retinere.

CON-

CONSIDERATIO XVII.

**H**inc optarem scire. Quidnam deberet dicere, ac suadere aliquis prædicans, alicui consulenti se: Utrum rem alienam, quàm injustè habet, debeat proprio illius Domino restituere? Nam si dicat, ita, posset is reponere quærendo: an restituere rem alienam sit opus bonum? Si is affirmaret, posset iterum proponens subsumere: Juxta nos omnia nostra bona opera sunt peccata: peccata autem iterum juxta nostram doctrinam sunt æqualia omnia. Ergo sive rem alienam restituero, sive retine- ro, æquale erit peccatum, nec unum majus altero. Quorum utrumquè, judicavi esse absurdum, & consequenter, & sectas has doctrinas tenentes, ac docentes.

CONSIDERATIO XVIII.

**D**EUS est summa sanctitas. Si ita, ergo est maximè remotus à peccato.

caro. Si hoc, ergo maxime odit peccatum, si hoc, ergo nullatenus illud vult fieri, si hoc, ergo illud non mandat fieri. Si hoc, ergo nullatenus illud causat. Ergo Deus non est Author & causa peccati, volens suzerens, efficiens, iubens, operans, & in hoc impiorum scelerata consilia gubernans, ut docent Calvinista, & Lutherus quoque docuit.

### CONSIDERATIO XIX.

**R**evolvi quam plurimos Historicos, tam politicos, quam Ecclesiasticos, Annales item variarum Gentium, ac Nationum, & diligenter exquisivi, an alicubi ante seculum decimum quintum, fuerit aliqua fama & mentio Lutheranicæ, aut Calvinisticæ doctrinæ, & aliarum modernarum sectarum. Legi item ad hunc eundem finem, multa antiquissima scripta, & annotationes

nes rerum memorabilium, quæ singulis sæculis contigerunt, & nullam mentionem, vel vestigium illarum invenire potui. Unde conclusi has Religiones planè novas esse, adeoque non esse Apostolicas, nec à Christo & Apostolis traditas, sed ex cerebro Authorum harum Sectarum noviter excogitatas & consequenter repudiandas.

#### CONSIDERATIO XX.

**M**Emini quidem me adhuc in Juventute legisse, ejusdam Calvinistæ libellum, sub titulo *Itinerarii* in quo conatur demonstrare longissimum Catalogum hunc in finem contextendo, quod statim à Nativitate Christi, singulis sæculis fuerint aliqui, qui tenuerint doctrinam Lutheri & Calvini, sed pessimo successu & irritò conatu, tentavit id præstare. Primò quidem ex eo, quod  
illos

illos, quos adducit in dicto Catalogo, faciat idem sensisse, tam cum Calvino, quàm Luthero, adeoque fuisse Luthero-Calvinistas, cum tamen nec ipse Lutherus, & Calvinus, nec ipsi Lutherani, & Calvinistæ inter se in doctrina Fidei conveniant; sicut ergo defacto nemo se fateretur esse Luthero-Calvinistam, sed vel Lutheranum, vel Calvinistam, ita nequè ab eo citati, poterunt dici Luthero-Calvinistæ. Non est autem major ratio, cur soli Calvinistæ trahant illos pro se, quàm soli Lutherani & è contra; imò eosdem æquali jure possent pro sua secta trahere, etiam Anabaptistæ, & alij sectarij. Ergo exindè non potest deduci aliquem fuisse ante Lutherum, vel Calvinum, qui integrè ea omnia credidisset, tenuisset, aut docuisset, quæ tenuit, credidit, ac docuit Lutherus vel Calvinus, aut quæ tenent

Luthe-



Lutherani vel Calvinistæ. Secundò,  
quia ex eo præcisè illos quos citat,  
facit Luthero Calvinistas, quia in-  
venit in illis unum aut alterum ver-  
bum, aut propositionem quam etiam  
Lutherani, & Calvinistæ tenent.  
Quod, si sufficeret, potuisset & Ma-  
chometem, & Judam Itariotem, &  
Arium, ac Alios hæresiarchas ponere  
ad Catalogum Luthero Calvinista-  
rum. Nam & hi tenuerunt aliquid,  
quod tenent Lutherani & Calvini-  
stæ Sic Machometes tenebat dari so-  
lum unum Deum, Arius tenebat Con-  
cilia Ecclesiæ errare posse, & Nicœ-  
num Concilium errasse ipso facto in  
sua condemnatione. Ergo sequere-  
tur, quòd & Machometes, & Arius  
fuerint Luthero-Calvinistæ. Tertiò  
quia eos ponit in dicto Catalogo.  
quos constat, usquè ad finem vitæ  
vixisse in Fide Romano Catholica,  
aliquos etiam ex Pontificibus ipsis,  
Car-

Cardinalibus, Archi Episcopis, Episcopis, Monarchis, etiam talibus, qui scriptis suis, veritatem Catholicæ Fidei propugnare, sed quod fundamento? planè nullo. Nam S. Gregorium ex eo probat fuisse Luthero Calvinistam, quia coarguebat vitia Sacerdotum. Irenæum ex eo, quod scripturam Sacram collaudabat. Polycarpum ex eo, quod Apostolicam doctrinam tenuerit. Bellarminum ex eo, quod malos Catholicos de peccatis corripiebat. Ex quibus nullatenus sequitur hæc conclusio. Ergo fuerunt Luthero-Calvinistæ. An non enim & moderni Romano-Catholici, & Zelosi Concionatores, Sacerdotum malam vitam detestantur? malorum Catholicorum peccata exprobrant? Scripturam Sacram, ac doctrinam Apostolicam commendant, & tamen non sunt Luthero Calvinistæ.

CON

## CONSIDERATIO XXI.

**L**ongè melius itinerarium ego in hac mea deliberatione confeci, percurrendo Hæreses singulorum sæculorum à nato Christo. Inveni siquidem omnes fere articulos Fidei, quos tenent Lutherani & Calvinistæ jam fuisse doctos ab aliis Hæresiarchis, & damnatos ab Ecclesia. Non quòd aliquis fuisset, qui omnia illa docuisset, quæ docuit Lutherus, vel Calvinus, talis enim nullus omnino fuit, sed diversi diverfos, ac diversis sæculis, & temporibus. Indè tamen non potui concludere, quòd Lutherana doctrina vel Calviniana fuerit ante Lutherum vel Calvinum. Sed feci hanc legitimam conclusionem: Ergo Lutherana, & Calviniana Religio est consarcinata ex variis hæresibus jam pridem ab Ecclesia damnatis, nonnullis noviter adjectis,

Et s, non secus ac vestis mendicorum ex multis frustis, antiqui & diversi coloris panni, in foro scrutatio comparatis & collectis, superadeditis aliquibus aliis frustillis ex novo panno, & colore, & qualitate prorsus improporcionado.

# CONSIDERATIO XXII.

**P**ost hæc, assumpsi in Considerationem, signa & notas veræ Christi Ecclesiæ: nempe quod si, *una Sancta. Catholica, & Apostolica;* Et nullam ex his reperire potui in reformatis, seu potius deformatis, istis Ecclesiis. *Non Unitatem*, cum in multis iisq; præcipuis articulis fidei, inter se discrepent, ac singulæ rursus in alias subdividantur de rebus Fidei sententias, & opiniones. *Non Sanctitatem.* Cum enim Sanctitas requirat, ut quis declinet à malo, & faciat bonum. *Psal. 36. v. 26, Id certe*

certè hæ Religiones non præstant,  
quæ non tantùm non docent decli-  
nare à malo; Præcepta Dei servando  
sed tenent impossibile esse eadem  
servare; & non tantùm non suadent  
bonum facere. sed docent bona ope-  
ra ad salutem æternam prorsus esse  
inutilia, imò & peccaminosa, nec  
ullum Sanctum nominare possunt,  
qui fuisset illorum Fidei. Non, *quod sit*  
*Catholica, seu Universalis*, quia non  
annunciatur in universo mundo, si-  
cut Romana, ut testatur Sanct: Pau-  
lus ad Rom: i. v. 4. nec quòd fue-  
rit semper, quia non fuit ante An-  
num 1517. Sed nec defacto est ubi-  
què; solùm enim delitescit in paucu-  
lis Provinciis Europæ, quæ ipsa est  
minima pars Orbis, respectu Africæ,  
Asiæ, & Americæ in quibus de his  
Religionibus nihil penitus scitur,  
imò nec auditur. *Non quod sit Apo-*  
*stolica*, quia non est fundata ab Apo-  
stolis





stolis, nec Pastorum suorum & doctrinæ suæ continuam successione, possunt deducere usque ad Apostolos. Hæc autem omnia signa sunt in Ecclesia Romano-Catholica. Ergo Jure optimo, illam omnibus aliis prætuli.

### CONSIDERATIO XXIII.

**C**onjeci deinde oculos ad initia conversionum populorum, Nationum. & Regionum, ex Gentilismo ad Fidem Christianam, quæ sane mirabilis fuit, & non nisi Divina virtute, ope, auxilio fieri potuit, propter tot obstacula, tam potentissimorum Regum, Imperatorum, & Tyrannorum, eorumque sævitiam, ac ipsorum Idololatriæ pertinaciam, & obstinationem, præsertim cum Fides, Christiana suaderet illis ea, quæ sunt carni, & sanguini, ac principis Mundanis omnino contraria, & proponeret Mysteria altissima,

tissima, quæ solo naturali lumine  
nequeunt comprehendi, & qui-  
dem per Prædicatores imbelles; ac  
inermes. Investigavi dein, quænam  
fuerit illa Religio, ac Fides, & clarè  
deprehendi illam fuisse Romano-  
Catholicam & quidem per viros A-  
postolicos, à Romanis Pontificibus  
ad prædicandum Evangelium sub-  
missos. Nam quòd primis quinque  
sæculis non fuerit alia Christiana  
Religio, ad quam conversæ fuis-  
sent gentes, ipsimet adversarii non  
dissententur. Sextò verò sæculo con-  
versa est Anglia per S. Augustinum,  
Monachum missum à San: Grego-  
rio Papa. Septimò, Germaniæ per  
S. Bonifacium, missum à Gregorio  
III. Papa. Octavo, Moravia per SS.  
Cyrillum & Methodium. Nono,  
Hungaria, & Polonia per San: Adal-  
bertum, & S. Pilgrinum aliosq;. De-  
cimo, Bohemia & Moschovia, Fran-

cia seu Gallia per S. Remigium, Fri-  
 sia per S. Bonifacium & Villebror-  
 dum, longè adhuc prius. Undeci-  
 mo, Pomerania per S. Brunonem,  
 Duodecimo, Livonia per S. Mainar-  
 dum. Et Syccia per Nicolaum Brak-  
 pier; postea in Pontificem Roma-  
 num electum. Pomerania per S. Ot-  
 thonem. His autem postremis duo-  
 bus sæculis in Indiis Orientalibus, &  
 Occidentalibus quàm plurimæ Pro-  
 vincix, & longè plures quàm tota  
 Europa numerat, convertæ sunt ad  
 Fidem Christianam, eam quæ non ali-  
 am, quàm Romano Catholicam, &  
 in dies plures, ac plures ad eandem  
 convertuntur. At verò nullam gen-  
 tem ex paganis reperi convertam fu-  
 isse ad Lutheranam, vel Calvinia-  
 nam, aut aliam ex novis moderni  
 temporis sectam; sed solum ex tepi-  
 dis Catholicis, idquæ non alio ex fi-  
 ne, quam pro libertate carnis, & vi-  
 cæ licen-

re licentiosa. Præstabat igitur mihi Romano-Catholicam Fidem potius, quàm aliquam ex reliquis moderni temporis sectis eligere.

CONSIDERATIO XXIV.

**E**X occasione hujus Considerationis occurrit mihi alia observatio Nempè: Quod Deus omnes Apostolos, & viros Apostolicos, quos elegit, & misit ad conversionem populorum, ac gentium, ornaverit dono magnorum miraculorum juxta sua Divina promissa, ut habetur. Matth. 10. v. 7. Euntes (ait Christus ad suos Discipulos) *Prædicate, & mortuos resuscitate, leprosos mundate, & demones ejicite* &c. Et Marci ultimo: *Illi verò profecti prædicaverunt ubique, Domino cooperante, & sermonem confirmante, sequentibus signis.* Ante signani autem modernarum novarum sectarum, esto glorien-

ear, se missos à Deo tanquam Refor-  
 matores suæ Ecclesiæ; nullum un-  
 quam tamen signum, ac miraculum  
 ediderunt in confirmationem suæ  
 doctrinæ, vel suæ à Deo missionis: &  
 quidem, ut quidam ait, nec unicum  
 claudum equum, sanare potuerunt.  
 Quomodo ergo poteram credere il-  
 los missos à Deo hunc in finem? præ-  
 sertim cum Salvator noster nos præ-  
 monuerit, ut attendamus nobis à fal-  
 sis prophetis, qui veniunt ad nos in  
 vestimentis ovium (scripturam & Evan-  
 gelium semper in ore habentes) intus  
 autem sunt lupi rapaces. Maxime  
 vero, si ij contrariam sibi ad invicem  
 doctrinam prædicent (ut fecit Lu-  
 therus, & Calvinus) Uterquè enim  
 veritatem docere non potuit, con-  
 sequenter nec mitti à Deo uterquè  
 ad reformandam Ecclesiam, neuter  
 autem illorum majora argumenta  
 aut signa protulit à Deo suæ missio-





Refor-  
um un-  
raculum  
cm tue  
fionis: &  
cum cum  
tuerunt  
edere il-  
m? pre-  
nos pre-  
is à fu-  
ad nos in  
Et vos  
s) intus  
Maximè  
invicem  
cie Lu-  
uè enim  
ut, con-  
uterque  
neuter  
umenta  
missio  
nis

nis & doctrinæ quàm alter. Igitur  
neutri-judicabam esse credendum.

## CONSIDERATIO XXV.

**R**ursus consideravi vitas, & mo-  
res Authorum harum Religionū,  
& feci comparationem eorum, cum  
his, viris Apostolicis, qui Gentiles ad  
Fidem Romano-Catholicam conver-  
terunt. Deus bonè quantam inter  
hos vidi disparitatem! tantam scili-  
cet, quanta est inter cœlum & ter-  
ram. Hi namq; erant viri Deo uni-  
ti, devotioni ac pietati addicti, vir-  
tutibus magnis exornati, sobrii, hu-  
miles, continentes, rerum Tempo-  
ralium, & voluptatum carnis con-  
temptores, solam Dei gloriam qua-  
rentes & zelum animarum inten-  
dentes. Uti ex vitis illorum, & scri-  
ptis constat. Illi verò ventri, & car-  
ni dediti, à fide Apostata, votifra-  
gi, impii, superbi, non aliud quàm

carnis voluptates, & vitæ licentiam  
docentes, ut pariter ex illorum vita  
& scriptis clarissimè patet. Quæ  
enim Luthero, & Calvino fuit su-  
perbius, & arrogantius? qui se tot  
antiquitati præferebant, quam inter  
pretationem scripturæ Sacræ, inter  
pretationi omnium SS. Patrum, &  
totius Ecclesiæ anteponebant. Cu-  
jus scripta magis spurca, quam Lu-  
theri? magis impia & blasphemæ  
quam Calvini? Ita ut jam & sequa-  
ces eorum, talium scriptorum pudeat

### CONSIDERATIO XXVI.

**P**RO magno stimulo fuit mihi ad  
Fidem Romano-Catholicam præ  
aliis modernis Religionibus ample  
tendam etiam illud, quod in ea non  
nunc quoq; reperiantur quàm plu-  
rimi, qui zelo animarum ducti, reli-  
giosis, ac spretis omnibus vitæ hujus  
commodis, amicis & cognatis, di-  
guita-

gentibus ac honoribus, & aliis  
mundi bonis, quæ in re vel spe ha-  
bebant, non obstantibus minis Tyran-  
norum, & certissimâ quasi nece à  
barbaris inferendæ, promptissimè &  
summa cum alacritate vadunt ad  
remotissimas etiam gentes pro illa-  
rum conversione, Evangelium Christi  
Cujus prædicando, & ad Ecclesiam Ca-  
tholicam eisdem adducendo, esto-  
rum pro comperto habeant, se fore in-  
ter eos cum S. Paulo, in laboribus plu-  
rimis, in carceribus abundantibus, in  
flagis supra modum, in mortibus fre-  
quentèr. 2. ad Corinth. II. v. 12.  
Quod certò in Prædicantibus alia-  
rum Religionum non reperi. Unde  
conclufi eos verè Spiritu Dei, agi,  
non autem hos. *Majorem siquidem*  
*bas dilectionem nemo habet, ut ani-*  
*am suam ponat quis pro amicis suis.*  
Joan. 15. v. 13.

CON-

CONSIDERATIO XXVII.

**O**bservavi & valde admirabar etiam illud. Quomodo inter Romano Catholicos multi divitibus affluentes, & amplissimas quoque hereditates, ac omnes vitæ commoditates, etiam magnarum Familiarum, non tantum Nobilium, sed & Baronum, Comitum, Marchionum, Principum Filii ac Filiae spretis omnibus deliciis, ac voluptatibus ad pauperes, & austeros Religiosorum diversos ordines, sponte, & sæpè non nisi magnis obstaculis perruptis, tanto numero convolent. Præcisè solius Dei amore, & securitatis majoris salutis animæ suæ, ergo: cum in aliis novis Religionibus vix ullus magnæ Nobilitatis, vel conditionis valde honestæ dignetur statum prædicantium amplecti. Quod non idcirco quasi Deus esset acceptator perso-

narum,

tarum, cum constet Christum rudes,  
ac simplices piscatores in Apostolos  
elegisse, sed solum inde colligo,  
quod specialis Dei gratia in illis o-  
perari debeat, adeoque & Fides illa  
esse vera, in qua tam singulares Gra-  
tias Deus suis confert.

CONSIDERATIO XXVIII.

**M**Emini, cum adhuc essem Juve-  
nis, duos Prædicantes Luthera-  
nos me præsentem mentionem fecis-  
se, adolescentis cujusdam bonæ indo-  
lis mihi quæ notissimi, ac cum unus ex  
illis, hanc conjecturam de illo fecis-  
set. Hic adolescens vitam ducet cæ-  
libem, & continentem, quantum ex  
illius indole licet conjecturare. Al-  
ter mox subjunxit: optimè sanè fa-  
cit, continentia enim, & coelibatus  
est magnum Dei Donum, & specialis  
gratia. Ego tunc adhuc planè Juve-  
nis & quidem Lutheranus existens,



apud me tacite hanc illationem cum  
 admiratione feci; Quomodo igitur  
 fieri potest, ut cum nostri Pastores  
 dicant se reformatores Ecclesiæ, &  
 Evangelii purissimi prædicatores, &  
 continentia ac cælibatus sit Donum  
 Dei singulare, ac specialis gratia,  
 Deus hoc donum & hanc gratiam  
 nulli prædicantium conferat? præ-  
 dicantes siquidem cœlibem vitam  
 ducere nulli bi est videre, quin nec  
 audire quidem. Et vicissim quomo-  
 do Deus hoc donum, & hanc gra-  
 tiam multis Papistis, quos nos Ido-  
 latras esse dicimus, confert, apud  
 quos tam multæ Virgines, Monia-  
 les, Religiosi, & Ecclesiastici, vitam  
 continentem, & puram ducunt; de-  
 bet igitur illorum Religio magis  
 grata esse Deo, quàm nostra, quo-  
 niam aliter quis non potest esse  
 continens, nisi Deus det ei donum  
 hoc. Sæpius dein mihi in manu

m cum flori aetate, hoc dissonant in memo-  
igitur nam recurrit, ac tandem etiam ad a m-  
astores plebendam Fidem Romano Catholi-  
sae, & cam unum, ex motivis fuit.

res, & **CONSIDERATIO XXIX.**

**E** Volvi quam plurimos Authores,  
qui contra Fidem, ac Religio-  
nem Romano Catholicam scripse-  
runt, & illud signate notavi, quod  
in omnibus suis argumentationibus  
id probare assati contentur, quod  
Catholici non negant, sed ultro ad-  
mittunt illud verò quod Catholici  
pro dogmate Fidei tenent, oppu-  
tando vix attingant. Exempli  
gratia Adferunt copiosissimos scri-  
pturæ sacrae textus. Quod solus Dē-  
us sit adorandus, & colendus cultus  
Divinus. Hoc autem Catholicorum  
nemo negat, qui firma Fide credunt  
peccatum Idololatricæ esse, creatu-  
re cultum quæ tandem cultum Di-  
vinitatis exhibere. Adducunt multa

et scriptura Testimonia quæ ho-  
norificè loquatur: de Matrimonio.  
Quid tum? hoc enim Catholici non  
improbant; imò Matrimonium inter  
Sacramenta numerant, hoc solū  
cum S. Paulo tenent. Quod qui ma-  
trimonio jungit Virginem suam, bene-  
faciat, & qui non jungit; melius faciat.  
similiter merita CHRisti depradi-  
ant: ipsiusquē satisfactionem pro  
peccatis nostris. Quid inde? Hæc  
enim Catholici quoq; infiniti valo-  
ris esse docent, & satisfactionem illi-  
us sufficere pro totius mundi pec-  
catis ajunt. Quid ergo docent? Id  
quod S. Petrus sua Ep. 1. v. 10.  
Satagite, ut per bona opera, certam vo-  
stram vocationem, & electionem facia-  
tis. Et S. Paulus ad Rom: 8. v. 17.  
Si tamen compatimur, ut & glorifi-  
cemur, pari modo Fidem mirè ex-  
tollunt. Quid exinde? Etiam Ca-  
tholici Fidem necessariam esse & sa-

lute

ho-  
nonio,  
ci non  
inter  
solum  
qui ma-  
7. bene  
faciat  
prædi-  
pro  
Hæc  
i valo-  
em illi  
li pec-  
nt? Id  
v. 10.  
am ve-  
facia-  
v. 17.  
glorifi-  
e ex-  
am Ca-  
d la-  
tem:

lutem fidentur. Quid ergo dicunt?  
Id quod S. Iacobus cap. 2. v. 14.  
*Ex operibus justificatur homo; & non  
ex fide tantum.* Et quod S. Paulus  
ad Cor. 1. cap. v. 2. *Si habuerim  
omnem fidem, ita ut montes transfe-  
ram, charitatem autem non habuerim,  
nihil sum.* Denique contra malam vi-  
tam aliquorum Sacerdotum invehun-  
tur. Quid inde proficiunt? Hæc  
enim etiam omnes Catholici dete-  
stantur, sed & continentiam, ac pu-  
ritatem Angelicam mentis, & corpo-  
ris, in pluribus admirantur.

### CONSIDERATIO XXX.

**I**N iisdem Authoribus, uti etiam in  
Aliorum prædicantium concionibus,  
& discursibus observavi; Quod  
calumnias potius oppugnent, & co-  
ram plebe denigrent Ecclesiam Ro-  
mano Catholicam, & ex hoc modo  
agendi conjeci manifeste, quod de-  
serant in argumentis ad eam.

pugnandum. Quando enim deveni-  
tur in probationibus & disputatio-  
nibus ad calumnias, infallibile si-  
gnum est, quod in probatione argu-  
mentans succumbat. Deinde calu-  
mniae semper sunt conjunctae cū falsi-  
tatibus, & mendaciis. Quomodo er-  
go per ipsa mendacissima mendacia  
eruetur rei veritas? atqui hujus mo-  
di calumniae sunt: v. g. Quod Ca-  
tholici ita adorent Sanctos, sicut i-  
psam DEUM. Quod Pontificem habe-  
ant, pro Deo; quod in Sanctorū me-  
ritis, & suis propriis ponant maiorem  
spem, & fiduciam, quā in meritis  
Christi Domini, & sexcenta similia fi-  
gmenta. Non potui igitur in menda-  
ciis, & calumniis fundamenta meae fi-  
dei ponere, igitur statui mecum, quod  
ipsemet velim, rei veritatem indaga-  
re, quā competentē rejeci tanquam im-  
postorias, omnes has novas sectas.

CON-



CONSIDERATIO XXXI.

**R**ECORDOR optimè quod cùm in  
adolescentia mea interfuissem  
cuidam explicationi Theologicæ a-  
pud Calvinistas, quidam ex Audi-  
toribus, cœteris intelligentior pro-  
posuerit publicè professori, in per-  
sona Catholici quoddam argumen-  
tum valdè ponderosum. Quo audi-  
to Professor Calvinista substitit, &  
aliquantulum hæsit. Deinde verò  
dixit. Idem argumentum à se ali-  
quando cuidam suo Professori in  
Anglia fuisse propositum, sed ab eo  
pro responso se non aliud accepisse,  
quàm quòd argumentum illud sic  
planè intolubile, ac proinde Catho-  
licis ad illud directè nunquam esse  
respondendum, sed solum eluden-  
dum. Vehementer scandalizatus fuit  
in hoc responso. Per elusiones enim,  
argumenta non solvuntur, nec ad  
cognoscendum

cognoscendam veritatem rei pervenitur. Et jam tunc judicabam, Aethiolicos etiam circa articulos Fidei non laborare de rei veritate.

### CONSIDERATIO XXXII.

**I**llud quoque omnes Religiones à Romano Catholicis alienas, mihi suspectissimas de fideitate reddidit, quod licet semper Catholicos ad scripturam provocent, ipsi tamen scripturam Sacram pro libitu suo trahunt, partim integros libros ex Canone Sacrorum Librorum eliminando: partim mala fide vertendo, partim pro suo arbitrio juxta discrimen uniuscujusque privati Spiritus interpretando. Cum tamen Romano Catholici eandem versionem omnes habeant, jidem semper Bibliis omnes utantur, quibus usa est Ecclesia à mille & trecentis, ac amplius annis, neque eam juxta suam propriam ju-

dicium explicant, sed sequatur in-  
terpretationem veterum SS. Patrum  
ac totius Ecclesiæ, de qua CHRISTUS  
dixit Matth: 18. v. 17. *Si quis Eccle-  
siam non audierit, sit tibi sicut Ethni-  
cus, & Publicanus.*

### CONSIDERATIO XXXIII.

**U**T nihil intentatum relinquerem,  
legi consideratè parvulum Cate-  
chismum Lutheri, quò Lutherani  
in Hungaria defacto utuntur, eumq;  
contuli diligenter cum Catechismo  
ejusdem Lutheri Anno 1567. Wit-  
tembergæ impresso, & reperi eun-  
dem in prima illa editione Wittem-  
bergenfi, differre toto cœlo, in quâ  
plurimis articulis Fidei. Nec satis  
capere potui tantam mutationem, ni-  
si mihi occurrisset, quod Novatores  
moderni, pro libitu mutant Religio-  
nis sue articulos, alios tenendo in  
una Provincia, alios in altera, ali-

os in uno saeculo, alios altero.  
 Quod si quis huic tantæ diversifica-  
 ti, quoad ipsos articulos Fidei in-  
 ter hos duos Catechismos Fidem ad-  
 hibere nolit, conferat simul utrum-  
 què, id autem facile consequi po-  
 terit, cum Wittenbergensis ille Ca-  
 techismus hoc ipso Anno 1701. sic  
 Tyrnaviæ in Hungaria impressus.  
 E contra verò cum peragrarem  
 diversas Provincias Catholicorum  
 nullam in eorum Catechismis inve-  
 ni, quo ad articulos Fidei discre-  
 pantiam, sed in omnibus omnino, o-  
 mnimodam convenientiam.

#### CONSIDERATIO XXXIV.

**C**UM ergo viderem tantas diversi-  
 tates opinionum etiam quoad  
 Dogmata Fidei, inter eos qui se Au-  
 gustanam Confessionem profiteri di-  
 cunt, ipsam Confessionem Augustanam  
 consideratè perlegere decrevi, sed

huss

has tam diversas esse reperi, variis  
 in locis, & temporibus impressas,  
 adeoque inter se differentes, ut quæ nã  
 sit genuina Confessio Augustana, a-  
 pud me determinare non potue-  
 rim, quia nec ipsi Professores Aca-  
 demiarum Lutheranicarum hac de  
 re inter se conveniebant, donec unã  
 occasione Bibliothecam Cæsaream Vi-  
 ennensem visitarem, in qua Biblio-  
 thecarius Cæsareus, inter alia exhi-  
 buit nobis, qui tunc simul eramus,  
 illam ipsam in originali, quæ exhibi-  
 ta fuit à Melanthonè Augustæ in  
 comitiis Imperialibus Carolo V. Cæ-  
 sari Anno 1530. Quæ in tantum differt  
 ab aliis editionibus Augustanæ Con-  
 fessionis, ut nisi illis apponeretur  
 Titulus *Augustanæ Confessionis*, nemo  
 eas diceret esse Augustanas Confes-  
 siones. Unde intuli modernam Reli-  
 gionem Lutheranorum non esse Au-  
 gustanæ Confessionis Religionem, sed  
 longè



longè diversam, ideo hanc omnino  
reijciendam judicavi. Cur verò neq;  
illi originali acquieverim, inter ali-  
as rationes, hæc etiam fuit: Quod hæc  
ipsa contineat in se plurima men-  
dacia, & apertas contradictiones.  
Quas fusè deducit Cardinalis Paz-  
mannus in erudito suo opere, *Kalauz*  
dicto, à fol: 415. usquè ad folium 440.

### CONSIDERATIO XXXV.

**C**onsideranti mihi sæpius verba il-  
la Christi Domini: *Intrate per  
angustam portam: quia lata porta, &  
spaciosa via est, quæ ducit ad perditio-  
nem; & multi sunt, qui intrant per  
eam. Quàm angusta porta, & arcta  
via est, quæ ducit ad vitam! Et pauci  
sunt qui inveniunt eam. Marc. 7. v. 13.  
Item, Contendite intrare per angustam  
portam. Luc. 13. v. 24.* Occurrit  
illico mihi Religiones alienas à Fi-  
de Romano-Catholica non esse  
hanc

hanc arctam viam, quæ ducit ad vitam, sed illam spatiosam quæ ducit ad perditionem, nam juxta harum doctrinam, satis est ad vitam æternam consequendam, si credat quis se salvandum, aut prædestinatum ad eam, quæ doctrina tanè contraria est illi, quam nobis præscripsit Christus patre, ac suis Apostolos. Nam interroganti illi Matth. 19. v. 16. Magister bone quod boni faciam, ut habeam vitam æternam? respondit CHRISTUS. Si vis ad vitam ingredi, serva mandata, secundum verò doctrinam harum Religionum ad hanc interrogationem non respondetur: si vis ad vitam ingredi, serva mandata; hoc enim ajunt esse impossibile. Quid autem respondetur à Novatoribus? si vis ad vitam ingredi, crede tantum quod CHRISTUS pro te mandata Dei Patris adimpleverit. Similiter S. Petrus Act. 2. v. 37. Interrogantibus Judæ-

Judeis compunctis corde ex his, quae  
ab eo audierunt. *Quid faciemus  
viri Fratres?* respondit *Poenitentiam  
agite.* Et ipsemet Christus Luc. 13.  
v. 3. ait: *nisi Poenitentiam egeritis,  
omnes similiter peribitis.* Et rursus S.  
Petrus Act. 3. v. 19. *Poenitemini igitur,  
& convertimini; ut deleantur pec-  
cata vestra.* Pariter & S. Joannes  
Baptista, suam Prædicationem sic in-  
choavit. *Poenitentiam igitur agite;*  
Item: *facite fructus poenitentiae.* Matt.  
3. v. 3. & 8. Quid autem hæc nova  
doctrina ad interrogationem. *An, &  
quomodo poenitentia sit agenda,*  
respondebit? hoc unicum crede tan-  
tū, quod remissa sint tibi peccata;  
propter merita Christi, & hoc solū  
sufficit. Quæro ulterius ex ipsdem,  
*An debeam dimittere debitoribus, &  
condonare injurias mihi factas, &  
volo à DEO mihi remitti peccata;*  
quid respondebunt? non aliud juxta

Iuanm

quam doctrinam, quam hoc non esse  
 necessarium, sed satis esse, si credā mi-  
 hi dimissa esse peccata. Cum tamen  
 CHRISTUS dicat Matt. 6. v. 14. & 15.  
*Si enim dimiseritis hominibus peccata*  
*eorum: dimittet & vobis Pater vester*  
*Cælestis delicta vestra: si autem non di-*  
*miseritis hominibus, nec Pater vester*  
*dimittet vobis peccata vestra.* Rursus  
 pergō querere, utrum per bona o-  
 pera mereri possim vitam æternam?  
 & respondebunt mihi negativè &  
 dicent solam Fidem ad id sufficere.  
 Cum tamen Scriptura dicat 2. Petri  
 v. 10. *Satagite, ut per bona opera cer-*  
*tam vestram vocationem, & electionem*  
*faciatis.* Et S. Paulus 1. ad Rom: 2.  
 v. 6. 10. *Et reddet unicuique se-*  
*cundum opera sua.* Et ad Cor: 3. v. 8.  
*Unusquisque propriam mercedem acci-*  
*piet secundum laborem suum.* Urgeo  
 interrogando: possumne redimere  
 peccata mea Eleémosynis? Cum  
 Chri-

Christus dicat. Luc: II. V. 41. *Date Eleemosynam, & ecce omnia munda sunt vobis.* Et Daniel: 4. V. 22. *habeatur: peccata tua Eleemosynis redime, & iniquitates tuas misericordiis pauperum.* Et respondere debebunt consequenter mentiendo: Nec ad esse necessarium, sed tantum crede, quod Christus pro te satisfecerit: & munda sunt tibi omnia: tantum crede Christum Dominum pro te esse mortuum, & redimes peccata tua. Sola Fides ad hæc omnia sufficit. Deum quæro, propter quæ peccata homines damnantur, & à cœlesti gloria excluduntur? Respondebit S. Paulus 1. ad Corinth. 6. V. 9. 10. *Nolite errare: neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, Regnum Dei possidebunt.* Novatores

autem



autem respondebunt cum suo Lu-  
thero Postillà in Dominicam 8vam  
post Trinitatem) *Sola in crudelitas*  
*damnat.* Ecce viam novam, eamq;  
spatiosam ad cœlum! sed quâ nemo  
pervenit ad illud.

CONSIDERATIO XXXVI.

**E**X Consideratione hujus contro-  
versie, an sola Fides sufficiat ad  
salutem, pro qua adstruenda Lu-  
therus ad illum textum S. Pauli ad  
Rom: 3. v. 28. *Arbitramur homi-*  
*nem justificari per Fidem,* fraudu-  
lenter addidit per solam Fidem, ve-  
nit mihi suspicio an non etiam in aliis  
Textibus Scripturæ Sacræ utantur  
similibus doli Acatholici; & reperi-  
id, quod suspicabar. Nam idem  
Lutherus in superius citatis verbis,  
2. Pet. i c. i. v. 10. *Quapropter Fratres*  
*magis satagite, ut per bona op̃ra cer-*  
*tam vocationem & electio-*  
*nem*

*nem faciat, in sua versione totaliter omisit verba illa per bona opera. Quia aperte adversantur ejus errori, quod docet bona opera homini non conducere ad salutem. Calviniste pariter plerique in Evangelio Luc: cap. 22. v. 19. Verba illa clarissima: Hoc est Corpus meum, sic transmutarunt: Hic est Corpus meum, ut excluderent realem praesentiam Corporis Christi in Eucharistia. Ob eandem causam, ubi Joan: 6. v. 51. legitur. Ego sum panis vivus qui de caelo descendi: pro voce vivus, substituerunt vivificans: ut intelligatur panis universalis. Et in Epist: S. Jacobi 5. v. 16. verba illa: Confitemini alterutrum peccata vestra. Reformatores sic verterunt Confitemini peccata vestra erga invicem, ut sic eludant Sacramentalem Confessionem, quam in de probant Romano Catholici. Et illud S. Pauli ad Hebræos 12. v. 4.*

*Hono-*

Hono-  
Nov  
mon  
runt  
omne  
Dom  
bene  
tum  
mun  
bi m  
bi b  
me.  
sua  
bari  
eter  
his  
Rel  
in  
ptu  
con  
care  
pru  
ni

*Honorabile connubium in omnibus,  
 Novatores ut defenderunt Matri-  
 monium etiam Sacerdotum, verte-  
 runt sic: Honorabile connubium inter  
 omnes: Item verbis illis CHRISTI  
 Domini Matth: 25. v. 35. Venite  
 benedicti Patris mei, possidete para-  
 tum vobis Regnum à constitutione  
 mundi. Esurivi enim, & dedistis mi-  
 hi manducare. Sitivi, & dedistis mi-  
 hi bibere: Hospes eram, & collegistis  
 me. Illud enim omisit Lutherus in  
 sua versione, quia videbat inde pro-  
 bari, opera bona esse meritoria vitæ  
 eternæ. Omitto quàm plurima alia  
 his similia. Unde conclusi harum  
 Religionum antesignanos viam Dei  
 in veritate non docere, sed scri-  
 pturas malâ fide ad suum sensum  
 contorquere, & pro suo libitu trun-  
 care ac mutare. Quomodo igitur  
 prudenter poteram illorum Religio-  
 ni nomen dare?*

CONSIDERATIO XXXVII.

**I**Nstitui dein Analyſim & Syntheſim circa discernendam veram Chriſti Eccleſiam à non veris, hâc ratione: In Chriſtianitate datur aliqua vera Chriſti Eccleſia (quam propoſitionem admittunt omnes omnino Religiones, & Sediæ, quæ ſunt in Chriſtianitate, præter hæreticos illos, qui vocantur *Expectantes*) & datur Chriſti Eccleſia, ergo hæc debebat institui ab ipſo Chriſto; ſi ab ipſo Chriſto utique institui debuit ſapienter: ipſe ſiquidem fuit ſapientia eterna. Et cum ſapienter ſit inſtituta, debebat inſtitui durans ſtabiliter, juxta ipſius Chriſti doctrinam Matth: 7. v. 24. ut ait: *Sapientem virum eſſe, qui ædificat domum ſuam ſupra petram, & descendit pluvie, & venerunt flumina, & flaverunt venti, & irruerunt in domum illam,*



*U non cecidit: fundata enim erat su-  
pra petram. Estque illa de qua Chri-  
stus dixit: Matth. 16. v. 18. Supra  
hanc petram edificabo Ecclesiam me-  
am, & porta inferi non prevalebunt  
adversus eam; Si ita stabiliter est  
fundata. Ergo non potuit deficere  
& cadere, sive per pluvias afflictio-  
num, sive per flumina, & fluvios  
persecutionum, sive per ventos he-  
resum, alias enim fuisset fundata su-  
pra arenam, & non supra Petram.  
Si non potuit deficere, ergo fuit sem-  
per visibilis. Et aliunde CHR:stus  
frustra fideles suos monuisset Matth.  
18. v. 17. Dic Ecclesia, si autem  
Ecclesiam non audierit; sit tibi sicut  
Ethnicus, & Publicanus. Quomodo  
enim possent aliquid dicere, seu  
proponere fideles Ecclesie invisibi-  
li, & irreperibili? Si tuit visibilis  
omnibus fidelibus ergo debuit pro-  
pagari per Apostolos, post Ascensio-*



nem Christi, utpote quibus dictum  
est à Christo. *Euntes in universum  
mundum predicate Evangelium omni  
creaturæ.* Mar: 16. v. 15. Quod eti-  
am fideliter si præstiterunt testante  
eodem Evangelista v. 20. *Illi autem  
profecti, prædicarunt ubiq; Domino co-  
operante, & sermonem confirmante, se-  
quentibus signis, & cum Fides per A-  
postolos ubique fuit propagata, &  
per universum mundum veritas il-  
lius prædicata, igitur fuit Univer-  
salis seu Catholica. Si universalis, er-  
go & una. Et idè Joane 10. v. 16.  
dicitur *unum ovile*, ad Rom: 12. v. 4.  
*unum Corpus.* Ad Eph: 4. v. 4. *unus  
Spiritus.* Si unum corpus, & unus  
Spiritus est Ecclesia, ergo debuit  
habere etiam unum caput. Si hoc  
ergo pro capite visibili post Christi  
Ascensionem, Ecclesiæ hujus debuit  
à Christo constitui unus ex Apostolis.  
Si unus ex Apostolis. Ergo ille, cui  
Chri-*

Christus dixit: *Pasce oves meas: pasce agnos meos:* Joan: ult: v. 16. Item Tu vocaberis Cephias, id est Petrus. Et super hanc petram aedificabo Ecclesiam meam: & tibi dabo claves Regni Caelorum. Matt: 16. v. 28. Ergo Petrus constitutus erat Caput visibile Ecclesiae à Christo fundatae. Rursus quia Petrus non potuit semper vivere, & Ecclesia duratura erat semper juxta illam promissionem Christi Matt: 28. v. 20. Ecce Ego vobiscum sum omnibus diebus, usq; ad consummationem saeculi, debuit habere in officio suo Pastoralis, eoque universalis, in doctrina Christiana alios Successores, & hi rursus alios: Ergo successio haec perpetua & continuata Pastorum & doctrinae, est de ratione verae Christi Ecclesiae. Quia vero Petrus & alii ejusdem Successores, non poterant praedicare Evangelium in universo mundo in sua persona,

De

debe-

debeant habere coadjutores in hoc  
 sacro opere. Idem Christus ipse, de-  
 dit quosdam (alios quoq,) Pastores &  
 Doctores ad consummationem Sancto-  
 rum, in opus Ministerii, in edificatio-  
 nem Corporis Christi, donec occurrant  
 omnes in unitatem Fidei, & agnitionis  
 Filii Dei, in virum perfectum, in men-  
 suram ætatis, plenitudinis Christi (nem-  
 pe in resurrectione) ut jam non simus  
~~periculi~~ fluctuantes, & circumferamur  
 omni vento doctrinæ, in nequitia homi-  
 num, in astutia ad circumventionem er-  
 roris. Ad Eph. 4. v. 11. 12. Demum  
 quia Christus vocavit nos ad Eccle-  
 siam suam ut induamus novum homi-  
 nem, qui secundum Deum creatus est,  
 in Justitia & Sanctitate veritatis. Ibi-  
 dem v. 24. Ecclesia Christi debet es-  
 se Sancta, hoc est, & ad Sanctitatem  
 suæ doctrinæ instruere, & saltem ali-  
 quas Personas Sanctitate illustres in  
 suo gremio continere. At qui

hæc

in hoc  
 se, de.  
 es &  
 anclo-  
 catio-  
 ramp  
 tlonis  
 men-  
 (nem  
 firmus  
 amur  
 homi-  
 m er-  
 mūn  
 ccle-  
 omi.  
 is est,  
 Ibi-  
 et es-  
 atem  
 ali-  
 s in  
 qui

Hæc Christi Ecclesia ab ipso funda-  
 ta, & per Apostolos propagata, non  
 est alia, quam Romano-Catholica.  
 Hæc enim per SS. Apostolos, Petrum  
 & Paulum, Romæ est in choata &  
 aucta, huius Fides erat eadem, quæ  
 fuit Apostolorum & nominatim S.  
 Pauli, qui ad Romanos. ii. v. 12. Fi-  
 dem Romanam dicere esse Fidem su-  
 am, & Fidem suam esse Fidem Ro-  
 manam. Ergo est Apostolica. Hæc,  
 teste eodem Apostolo eodem capite  
 v. 8. annunciata fuit in universo  
 mundo. Ergo est *Universalis* seu  
*Catholica*. Hæc est fundata à Christo  
 per Petrum in petra. Ergo non pos-  
 suit deficere. Fuit semper & est,  
 visibilis, ad quam recurrebant omnes  
 gentes, & ad illam convertebantur  
 ex Gentilismo omnes populi. Hæc  
 habuit semper per continuam suc-  
 cessionem Pastores totius Christia-  
 nitatis à Sancto Petro inchoando,

usque ad modernum Pontificem Cle-  
mentem XII. Hæc tenet eandem  
omnino doctrinam Fidei per uni-  
versum orbem. Ergo est una. Hæc  
habuit innumeros Sanctos, & San-  
ctas, Martyres, Confessores, Virgi-  
nes, & docet fideles suos ad sectan-  
dam sanctitatem declinando à malo  
& faciendo bonum. Ergo est *San-  
cta*, ergo & vera Fides; vera Reli-  
gio, vera Christi Ecclesia; Si vera,  
ergo sola, ergo hæc sola est ample-  
tenda.

### CONSIDERATIO XXXVIII.

**V**icissim aliæ omnes Religiones &  
Romano Catholica: alienæ: sive  
simul & collectivè, sive singulatim:  
sumptæ in doctrina sua, & dogma-  
tibus Fidei plurimum differunt in-  
ter se. Ergo non sunt *vera Ecclesia*.  
Non sunt propagatæ per Apostolos,  
sed multis sæculis post tempora Apo-  
stolorum exortæ. Ergo non sunt  
*Eccle-*



em Cle  
eandem  
er uni  
a. Hac  
& San  
Virgi  
sectan  
a malo  
a San  
Reli  
vera  
ample.  
III.  
ones  
sive  
latim  
gma  
nt in  
lesia  
elos,  
Apo  
tuat  
ca.

*Ecclesia Apostolica*. Non sunt uni  
versales, nec sunt ubique, sed in  
pauculis duarum Provincis & qui  
dam solius Europæ. Ergo non fa  
ciunt *Ecclesiam Catholicam*, seu uni  
versalem, tuorum Pastorum & do  
ctrinæ successionem non possunt al  
ius referre, quam ad Lutherum.  
Ergo non habent continuam suc  
cessionem pastorum & doctrinæ, ad  
ipsos Apostolos. Nullum Sanctum  
sue Religionis possunt nominare,  
nec docent à malo declinare, vel  
bonum facere, imo tenent, illud es  
se impossibile, & hoc inutile. Er  
go non constituent *Ecclesiam Santi  
ssimam*. Ergo nullum habent in  
dictum veræ Christi Ecclesiæ. Er  
go omnes & singula sunt rejicien  
da.

### CONSIDERATIO XXXIX.

Contingit frequentissime, ut in  
ter Romanos Catholicos & Aca  
dos.

catholicos, in aliqua controversia, non  
 sit quæstio, circa textum aliquem scrip-  
 turæ Sacræ, an ille liber scripturæ,  
 ex quo is profertur, sit liber Canoni-  
 cus? nec an sit bona, & legitima ver-  
 sio, sed præcisè quis sit illius sensus  
 genuinus; & legitima interpretatio.  
 Romano-Catholici, interpretantur  
 eum juxta mentem primitivæ Eccle-  
 siæ & veterum Sanctorum Patrum: cir-  
 ca eundem A catholici comminiscun-  
 tur novas interpretationes, easque  
 non solum à primitivæ Ecclesiæ, &  
 veterum Sanctorum Patrum inter-  
 pretatione diversas, sed etiam inter  
 se discrepantes, & oppositas, prout  
 unicuique privatus suus Spiritus di-  
 ctaverit. In similibus casibus sapi-  
 ens anceps hæsi cuinam explicationi  
 & interpretationi adhærere debeam.  
 Sed re diligenter consideratâ ratio  
 ipsa mihi clarissimè dictabat potius  
 esse sequendam interpretationem

pRoma-

Romano-Catholicorum, ut potè con-  
 formiorem interpretationi antiquis-  
 simæ totius Ecclesiæ, & veterum San-  
 ctorum Patrum. Tum quia autho-  
 ritas communis, & totius, ac anti-  
 quissimæ Ecclesiæ, prævalet unicui-  
 que privatæ authoritati, eaque no-  
 vissimæ, valdè suspectæ; Tum quia  
 veteres Sancti Patres omni exceptio-  
 ne majores erant, in sanctitate, &  
 doctrinæ soliditate, in virtutibus, &  
 veritatis indagatiōe, modernis no-  
 vellis, leviculis, sciolis, nihil aliud  
 quàm vitæ libertatem & carnis licen-  
 tiam querentibus & sectantibus, Ec-  
 clesiæ deformatōribus. Tum quia il-  
 li erant viciniore tempore Apo-  
 stolorum, & nonnulli ferè iisdem, aut  
 saltem immediatis eorum successori-  
 bus convixerunt, ac proinde de eo-  
 rum sensu ac mente, majorem potu-  
 erunt habere notitiā, circa Seri-  
 pturæ Sacre intelligentiam, quàm

moderni Novatores possunt tam multas  
annorum centurias; Tum quia eo-  
rum interpretatio fuit ante motas  
controversias inter Catholicos, & A-  
catholicos hodiernos, adeoque sine  
ullo privato affectu sacras literas in-  
terpretabantur; at verò moderni he-  
terodoxi præoccupato affectu in al-  
terutram partem controversiæ, co-  
nantur scripturas ad suum sensum &  
doctrinam trahere, vel rectius de-  
torquere, & non doctrinam suam  
Scripturæ Sacræ accomodare.

#### CONSIDERATIO XL.

**S**ED ut hæc res magis pateat, de-  
claremus eam in exemplo: statua-  
tur ex.g. hic textus Scripturæ Sacræ,  
& hæc verba Christi Domini: *Hoc  
est Corpus meum.* Romano Catholi-  
ci accipiunt verba hæc in proprio ac  
reali sensu, quia hæc fuit explicatio,  
illorum, & interpretatio, semper  
satis

totius Ecclesiæ ab initio ejusdem, ac  
omnium veterum Sanctorum Patrum.  
Acatholici id negant, ex suo pro-  
prio sensu, & privati Spiritus dicta-  
mine. Et rursus alio modo eandem  
explicant Lutherani, alio Calvini-  
stæ, alio Zvingliani, alio Ariani, &  
unusquisque pro argumento suæ in-  
terpretationis, nihil aliud adducit,  
quàm privati sui Spiritus dictamen.  
Cui igitur potius ex his Spiritibus  
potuissim credere, aut cujus inter-  
pretationi potius adherere; melius  
proinde fore judicavi nulli eorum  
credere, cum pro una parte majorem  
rationem veritatis adferri non viderem,  
quàm pro altera. Veritas enim  
una est, quacunque de re; falsitas ve-  
rò multiplex. Malui itaque hoc in  
puncto etiam, sequi doctrinam Fi-  
dei Catholica utpotè securiorem.

CON-



## CONSIDERATIO XLI.

UT ad fundamentum veritatis indagatæ devenirem, statui mecum utriusque partis celebriores Authores evolvere, hac intentione, ut viderem quomodo eorum doctrina, cum doctrina veterum SS. Patrum primitivæ Ecclesiæ ac ipsorum & inter se conveniret. Legi proinde varios libros eosque copiosos à Romano Catholicis, & quidem diversarum nationum, in diversis Regnis, ac Provinciis conscriptos, partim ab Hispanis, Italis & Gallis, partim à Belgis & Anglis, partim à Germanis, Polonis & Hungaris, & deprehendi omnes in dogmatibus Fidei, tam cum veteribus SS. Patribus, quam inter se per omnia convenire, & quod mirum mihi videbatur, illos etiam qui in aliis scholasticis materiis acriter inter se disceptant, ut

funt

sunt Scholæ Thomistarum, Scotistarum, Nominalium, & Societatis JESU, qui tamen ubi ad dogma aliquod Fidei ventum fuerit, idē omnino tenent, idem docent, idem profitentur. Id ipsam observavi in scriptis veterum SS. Patrum. Licet ij diversis temporibus & remotissimis in partibus vixerint, ac scripserint; ut Ignatius & Chrysostomus Antiochiæ; Athanasius & Theophrastus Alexandriæ, Macarius & Cyrillus Hierosolymæ, Proclus Constantino- poli, Gregorius & Basilus in Cappa- docia, Justinus in Athenis, Dionysius Corinthi, Ephrem in Syria, Cy- prianus, Optatus & Augustinus in Africa, Epiphanius in Cypro, Am- brosius in Italia, Irenæus in Gallia, Orosius & Isidorus in Hispania, Be- da in Anglia. E contra verò cum contulisset Acatholicorum moder- norum scripta, cum doctrina veterum

rum




rum Sanctorum Patrum, in tantum  
eos ab illa recessisse comperi, ut toto  
caelo ab eadem distent. Combinavi  
dein ipsos scriptores A catholicos in-  
ter se, & maximam discrepantiam  
in dogmatibus Fidei inter illos cla-  
rissime deprehendi: dum non tan-  
tum Calvinistæ in Lutheranos, & vi-  
cissim Lutherani in Calvinistas, ac-  
utrique in Puritanos, Arianos, &  
Anabaptistas insurgunt, sed etiam  
illi, qui sub eodem titulo compre-  
henduntur, mirum in modum inter  
se digladiantur, quo ad Fidei sue  
dogmata. Et aliud sentiunt, tenent,  
ac docent, circa eadem, rigidi Cal-  
vinistæ: aliud molles Calvinistæ, al-  
liud Remonstratenses, aliud con-  
tra Remonstratenses, aliud Purita-  
ni, aliud Presbyteriani. Et aliud Lu-  
therani Wittembergenses, aliud Re-  
giomontani, aliud in Svecia: aliud  
in Hungaria, aliud in statu Brande-  
bur-

Burgico, aliud in Anglia: aliud idem tenent hoc sæculo, aliud tenuerunt priori sæculo, aliud ad initium Lutheranismi, aliud in ejusdem progressu. Quam igitur causam adferre potuissim, in extremo die Judicii, si tot ac tantis hominibus Ecclesiæ, tenebricosos homines pauculos, minus doctos, minus probos, ac hos inter te divisos, antetulissim? Potius igitur illis adhaerendum, & hos reiciendos judicavi.

### CONSIDERATIO XLII

**S**ed licet hi omnes tacuissent, ipsi scilicet lapides & res cunctæ vultatent aliquam habentes, mihi loquebantur, & veritatem Fidei Romano-Catholicæ inclamabant & inculcabant. Considerav enim Tempia antiquissima, Electiones Cæsarum & Regum, eorumq; inaugurationis ritum, veterum Cæsarum ac Regum



Regum statuta & Articuli, antiquissimarum Academicarum Christianarum consuetudines ac Leges Nationum ac Populorum ad Christianitatem conversiones, marmoribus incisae inscriptiones, omnium saeculorum à Christo Nato Historicos & Annales, gesta & res memorabiles omnium temporum, à quibus coepit promulgari Christiana Fides, Ephemerides & in his Festa Sanctorum & denominationes solemniorum dierum, per annum, quæ etiam apud ipsos Aetholicos in usu sunt cujuscumque sunt: Dominicae, Quadragesimæ, Quinquagesimæ, Sexagesimæ, Septuagesimæ, Dominica in Albis Quasi modo geniti, Jubilate, Cantate, Rogate &c. Quæ omnia mihi inclamabant non aliam unquam Religionem in Christianitate imis radicibus infedis, quàm Romano-Catholicam: Convincen-  
tem



tem proinde habui rationem, cur  
 vetustati adhererem & nuper natas  
 novitates rejicerem.

### CONSIDERATIO XLIII.

SEPTEMDECIM jam sæcula præe-  
 riere quibus Ecclesia Romano-Ca-  
 tholica impugnata fuit à crudelissi-  
 mis Tyrannis, à Machometanis, à  
 Paganis & Gentilibus, à Schismatici-  
 cis, à tam diversis hæresibus, sem-  
 per tamen mansit, & nunc quoque  
 manet invicta, intuperabilis, visibi-  
 lis & florens, quin in dies magis &  
 magis augetur, crescit, & propaga-  
 tur. E contra tot, ac tam variae  
 exortæ fuerunt hæreses, quæ qui-  
 dem videbantur potentissimæ, &  
 diffundebantur instar torrentis o-  
 mnes tamen sensim sine sensu inte-  
 riore & perire, ac penitus defecere.  
 Tales ex g. hæreses fuere; Mani-  
 chæorum, Donatistarum, Pelagia-  
 norum

norum, Iconoclastarum, & alia  
quàm plurimæ, quid inde conclusi  
Non aliud quàm quod Ecclesia Ro  
mano Catholica fundata sit à Chri  
sto in petra, & de qua Christus præ  
dixit: *Quod neq; porta inferi præva  
lebit adversus eam:* Aliæ verò se  
dæ edificatæ fuerint ab hominibus  
& in arena, & descendit pluvia, &  
venerunt flumina, & flaverunt ven  
ti, & irruerunt in illas & cecide  
runt; & fuit ruina illarum magna;  
imò & per se corruerunt multæ, &  
modernæ quoque successu temporis  
corruent. Juxta illud dictum Salva  
toris: *Omnis plantatio quam non  
plantavit Pater meus Cælestis, eradi  
cabitur.* Malui igitur me recipere  
in illam domum, quæ fundata est in  
petra, quàm in aliquam illarum quæ  
edificatæ sunt super arenam, & pro  
ximam minantur ruinam.

## CONSIDERATIO XLIV.

SÆpius perlustravi ex professo Bibliothecas tam Catholicas quàm Acatolicas, & in Catholicis observavi tria genera, seu classes librorum per longissimas series dispositorum, ex quibus in Bibliothecis Acatolicis inter libros ab ipsis conscriptos, nec vestigium quidem exstabat. Quantum trium classium in Bibliothecis Catholicis. Prima erat subTitulo *Vite Sanctorum & Sanctorum* Plurimæ hæ erant. ex omni statu Fidelium. Erant inter eas *Vite Sanctorum* Virginum innumerarum. Sanctorum item *Viduarum*, Episcoporum, Eremitarum, Religiosorum, Monialium, Martyrum, Virorum Apostolicorum. SSrum Regum & aliorum Sanctorum Confessorum, in quibus continebantur admirandæ eorum ac heroicæ virtutes, vite

innocentia, morum Sanctitas, de-  
votio erga DEUM, charitas erga pro-  
ximum, ac omnis vitæ Christianæ  
perfectiones. Et recogitabam ac  
apud me concludebam, illam Reli-  
gionem indubitatè veram esse in  
qua fuere hæ Sanctæ Personæ, tan-  
tarum virtutum, ac tantæ perfectio-  
nis. Non potest siquidem mala ar-  
bor, bonos fructus facere. Matth: 7.  
v. 18. & v. 20. *Et ex fructibus eo-  
rum cognoscetis eos.* Atque assum-  
mebam. Atqui hæ omnes Sanctæ  
Personæ vixerunt & mortuæ sunt in  
Fide Romano Catholica Undè ne-  
cessario inferre debui. Ergo Fides  
Romano Catholica est vera.

Altera autem classis librorum  
erat sub Titulo *Libri Ascetici*, in qui-  
bus comprehendebantur saluberri-  
mæ spirituales doctrinæ, de exerci-  
tio virtutum Christianarum, & per-  
fectione vitæ, de Imitatione Chri-

sti, de mundi contemptu & vapi-  
tate, de amore DEI, & charitate  
proximi, de dilectione inimicorum  
& condonatione injuriarum, de humi-  
litate profunda, de castitate inconta-  
minata, & mentis ac corporis Angeli-  
ca puritate, de conformitate hu-  
manæ voluntatis cum Divina, de  
meditatione quatuor Novissimorum,  
& peccatorum gravitate, deque  
praxi omnigenæ pietatis, ac devo-  
tionis.

Tertia classis erat sub Titulo  
*Morales Theologi*, qui fusè tractant de  
observatione decalogi, & Legum  
Divinarum, de restitutione rerum  
alienarum & iniquè possessorum, &  
refusione damnorum per nos alteri  
causatorum, de Sacramentorum usu  
& administratione debita, deque aliis  
rebus ad dirigendam conscientiam  
spectantibus.

In Bibliothecis verò A catholicis,  
nullos



nullos similes libros reperire potui:  
 Non *Vitas Sanctorum & Sanctarum*,  
 quia nullos Sanctos vel Sanctas ha-  
 bent. Non *Libros Asceticos*: Nihil  
 enim libri eorum habent de perfe-  
 ctione, quam nec ex nomine nove-  
 runt, nihil de Imitatione CHRISTI,  
 quam dicunt esse impossibilem, ni-  
 hil de exercitio virtutum, & bonorū  
 operum, quæ in utilia esse ad vitam  
 æternam judicant, nihil de castitate  
 & continentia ad cujus vel nomen  
 exhorrescunt, nihil de poenitentia  
 agenda, ad quam ajunt sufficere, si-  
 quis credat Christum pro peccatis  
 nostris æterno Patri satisfacisse:  
*Theologia Moralis* apud illos nulla  
 est. Utpotè qui docent Præcepta  
 Decalogi fervari non posse: pecca-  
 ta omnia esse æqualia: peccata præ-  
 destinatorum apud Deum non repu-  
 tari pro peccatis: neminem damna-  
 ri nisi ob peccatum infidelitatis. Et  
 alia his

potui alia his similia, quæ Caro & Sanguis  
illis suggerit, & non Pater cœlestis  
illis revelavit, suntquæ non vitæ  
spiritualis, sed brutalis & animalis  
principia, omnis laxitatis, & licen-  
tiosæ vitæ, ac libertatis carnis, occa-  
sionem præbentia.

### CONSIDERATIO XLV.

Contuli etiam conventicula Aca-  
tholicorum & specialiter illa in  
quibus cussæ sunt confessiones: Au-  
gustana, Helvetica, Genevensis, An-  
glicana, cum antiquissimis & Gene-  
ralibus Conciliis Ecclesiæ Roma-  
no-Catholicæ, sed quæ poterat es-  
se comparatio inter lucem & tene-  
bras? ad Concilia, siquidem Gene-  
ralia Ecclesiæ Romano-Catholicæ,  
convocari solent Episcopi totius  
Orbis, summi ex omnibus nationi-  
bus Theologi, Legati & Oratores,  
Regum & Cæsarum, tractantur ne-  
gotia

gotia summa cum maturitate, accuratissima cum discussione, cum consideratissima deliberatione, ac controversiarum unanimi definitione & decisione, & decretorum à Fidelibus universali acceptatione; celebrantur longissimo tempore, ac subindè annis & annis, ut res controversæ ne lius discutiantur, ventilentur, examinentur, ac semel definitæ non amplius in dubium revocentur. Quid autem conventicula Acathegorum? Accipiamus in exemplum, conventiculum Augustanum in quo cula est confessio Augustana? Hæc conficta est paucorum, vix Theologâ tinctorum consilio; & scripta est cum magna festinatione, & celeritate. & quidem in diversorio publico, interfuere illi solum unus nationis, Germanicæ scilicet viri, ijque pauculi, præoccupati jam præs aliis opiniombus, homines animi elati, carnis liberta-

bertati, & vitæ licentiosæ additi, eadem à pauculis civitatibus & Principibus est acceptata, à pluribus rejecta, sæpius mutata & vitiata. His utrinquè consideratis, quomodo potui non stare eorum potius, quàm horum iudicio, in decisione rerum controversarum Fidei?

# CONSIDERATIO XLVI.

Considerationem hanc, feci circa conscientias; Catholicam & A catholicam; est autem conscientia actus intellectus seu rationis, qui dicit nobis vel advertit, aliquid licitum vel illicitum esse, adeoque agendum vel omittendum, estquè proxima & immediata voluntatis nostræ Regula. Jam videamus quænam sint hæ Regulæ dirigentes voluntates, ex doctrina Romano Catholicorum, & ex doctrina Acatholicorum.

Ex doctrina Romano Catholi-

Ez

corum

eorum, sunt hæ: Omne peccatum est cavendum, & in libero arbitrio est hominis adjuvante Dei Gratia, ut peccet vel non peccet.

Omne peccatum mortale, meretur poenam æternam, & unum illorum sufficit ad æternam damnationem.

Peccatum pro nulla re hujus mundi est faciendum, ita, ut præferat milles mori, quam unicum peccatum committere etiam minimum.

De omni peccato etiam levissimo, ac verbo otioso danda est DEO ratio.

Non dimittitur peccatum, nisi restituatur ablatum.

Post grave peccatum commissum nihil restat, quam vel infernus vel poenitentia.

Nullam opus honestum super-naturale est, quod non meretur Gloriam, & gratiam supernaturalem, aut illius augmentum.

Omnia



Omnia peccata mortalia; sunt  
in Confessione aperienda, ac Sacer-  
doti manifestanda, & plura his simi-  
lia.

Acatholicæ autem doctrinæ, hæc  
sunt conscientiæ dictamina.

Præcepta Dei est impossibile  
servare.

Unusquisquè tenetur se credere  
salvandum vel prædestinatum.

Talibus qui hæc credunt, DEUS  
non imputat ullum peccatum.

Propter nullum peccatum da-  
mnatur homo, nisi propter pecca-  
tum infidelitatis.

Bona opera non sunt merito-  
ria vitæ æternæ.

Pœnitentia pro nostris pecca-  
tis non est necessario agenda. siqui-  
dem Christus jam sua morte & san-  
gvine satisfecit pro nobis.

Non est in nostra potestate pec-  
cata cavere.

Et

Nemo

Nemo obligatur ad sua peccata  
confitenda: Sola fides sufficit ad  
salutem.

Jam quis consideret & perpen-  
dat, his principiis, qualisnam con-  
scientia formabitur ad evitandum  
malum & faciendum bonum? Cum  
tamen principia Catholicæ doctri-  
næ id unicum præstare conentur, &  
præstare possint. Convictus proin-  
dè sui potius conscientiam Catholi-  
cam sequi, quàm Acatholicam.

CONSIDERATIO XLVII.

**V**Ehementer & illud mihi displic-  
uit in Prædicantibus, quod in  
omnibus suis concionibus ac sermo-  
nibus, totos quantos se occupant  
in carpendis Catholicis & præsertim  
in Cæremoniis & ritibus eorum irri-  
dendis, interim tamen quæ sunt gra-  
vissima in sua Religione, & ubique  
necessaria ad salutem populi curan-

Jam  
mo  
ri Sa  
pote  
gvin  
pote  
quib  
offic  
vite  
sub  
San  
trib  
neu  
cer  
bus  
riss  
pop  
cu  
Ch  
qu  
me  
No  
re

dam, eam penitus dissimulent, cujus-  
modi sunt: Quod ipsi non sint ve-  
ri Sacerdotes ut potè non habentes  
potestatem conficiendi Corpus & San-  
guinem Christi in Eucharistia: nequè  
potestatem dimittendi peccata, in  
quibus tamen Sacerdotalis muneris  
officium consistit. Undè fit ut gra-  
viter decipiatur populus, putans se  
sub utraq; specie accipere Corpus &  
Sanguinem Christi; sic à Prædican-  
tibus dementatus, cum tamen sub  
neutra specie accipiat, defectu Sa-  
cerdotalis potestatis in Prædican-  
tibus, sed purissimum panem, & pu-  
rissimum vinum. Persvadent item  
populo se nihil docere, nisi quod do-  
cuerit, & tenuit primitiva Ecclesia  
Christiana, & veteres SS. Patres,  
quod tamen falsissimum est, & ipsi  
met conscii sunt hujus falsitatis;  
Non docent suos aut peccata cave-  
re, aut pro commissis peccatis poen-  
tere.

sentiam agere; non hortantur eodem ad bene agendum, bene & Christiane vivendum, conformiter ad doctrinam & Exemplum Salvatoris nostri.

### CONSIDERATIO XLVIII.

**C**UM versarer inter Catholicos, observabam quoniam illorum Judicio, censeretur malus, ac tepidus Catholicus, & intellexi illos in hac Classe ab his poni: Qui Dei & Ecclesiae praecepta non observant, in bonis operibus se non exercent, Confessionem fugiunt, & negligunt, raro Sacris interfunt, ad Sacramentum poenitentiae raro accedunt, concupiscentiis suis, & sensibus indulgent, jejunia non observant &c. Et reflexi me ad A catholicos, inter quos, qui haec non observant, pro ferventibus Evangelicis & Protestantibus habentur. Et subintuli, ergo infirmi & per-

& pessimi Catholici, sunt sicut optimi Evangelici vel Protestantes. Et confirmatus fui in illa gradatione quam aliquando audiveram. Ex pessimo Catholico fit optimus Lutheranus, ex pessimo Lutheranus, optimus Calvinista, ex pessimo Calvinista optimus Arianus, ex pessimo Arianus, optimus Machometanus.

### CONSIDERATIO XLIX.

**P**RO motivo conversionis ad Fidem Romano-Catholicam, etiam illud mihi erat: Quod nunquam observaverim, ideo deficere à Fide Romano-Catholica aliquem ad Acatolicos, ut melior fiat, sed præcisè ut libertatem carnis, ac licentiam vitæ consequantur. Undè nullum Religiosum, aut Ecclesiasticum vidi à Catholicis ad Acatolicos transire, cujus prima cura non fuisset ducendi uxorem: & voluptates



carnis sequi. E contra verò qui ex  
A catholicis: convertuntur ad Fidem  
Romano-Catholicam observavi evan-  
gisse in homines valdè pios & fer-  
ventes; Zelosos ac Exemplares, &  
multos ex jis mundo valedixisse, &  
se totos quantos DEO, ac illius servi-  
tiis consecrâsse. Atque sic omnis  
Arbor bona; bonos fructus facit,  
malâ autem arbor; malos fructus fa-  
cit, Matth: 7. v. 16.

Sed & illud mihi mirum vide-  
batur. Quod eum tam clari Scriptu-  
ræ Sacræ textus, sint de necessitate  
& utilitate Charitatis; Spei, Timor-  
is Dei, Elèémosynæ & aliorum bo-  
norum operû, ac de necessitate Fidei,  
A catholici tamen doceant solam Fi-  
dem sufficere ad salutem, licet hoc  
nullibi sit in Scriptura Sacra. Sicut  
enim de Fide testatur Scripturâ:  
*Credidit Abraham DEO, & reputatum  
est illi ad Justitiam.* Item *Fides tua  
te sal-*

*te saluum fecit.* Idem etiam de Spe  
testatur eadem Scriptura: *Multa fla-*  
*gella peccatoris, sperantem autem mi-*  
*sericordia circumdabit.* Plal: 13. v. 10.  
Item: *In te sperabo non confundar*  
*in æternum.* Item *Spes autem non*  
*confundit.* Item *Omnis qui ha-*  
*bet spem in eo sanctificat se.* 1. Joan.  
3. v. 3. Et de Charitate: *Remittun-*  
*tur ei peccata multa, quoniam dilexit*  
*multum.* Lec: 7. v. 24. Et Charitas:  
*Cooperit multitudinem peccatorum.*  
1. Petr: 4. v. 8. Et de observatione  
mandatorum: *Si vis ad vitam ingre-*  
*di, serua mandata.* Et de aliis bonis  
operibus. *Et qui bonum egerint, ibunt*  
*in vitam æternam.* De poenitentia *Ni-*  
*si poenitentiam egeritis, omnes funditer*  
*peribitis.* Misericordia, *Miseri-*  
*cordia & veritate, redimitur iniquitas*  
Prov: 16 v. 6. Elæmosyna: *Ele. mo-*  
*syna ab omni peccato, & à morte li-*  
*berat.* Item: *Quod superest date Elæ.*

*Elæ. mosy-*


*noſſiam, & ecce omnia munda ſunt  
vobis. De condonatione inimicorum.  
Dimittite & dimittimini: Luc: 6. v.  
37. Si dimiſeritis hominibus peccata  
eorum, dimittet & vobis Pater veſter  
delicta veſtra. Matth: 6. v. 14. Me-  
lius ergo & tutius eſſe iudicavi Do-  
ctrinam Catholicorum ſequi, qui  
docent: Fidem quidem neceſſariam  
eſſe ad ſalutem, ſed non exclu-  
di Spem, & Charitatem, aliaque bona  
opera. Nam ut S. Paulus habet: *Fides,  
Spes, & Charitas, tria hæc, (ne-  
ceſſaria ſunt ad ſalutem.)* Et alibi ſic  
*Si Fidem habeam, ita ut montes trans-  
feram, Charitatem autem non habue-  
ro, nihil ſum.* Si autem hoc admit-  
tatur [uti admitti debet.] Igitur  
falſum eſt quod ſola Fides ſufficiat ad  
ſalutem. Falſum item, quod alia bo-  
na opera non ſint utilia ad ſalutem.  
Falſum denique quod omnia noſtra  
bona opera ſint peccata, peccata  
ſiqui-*

Siquidem non sunt utilia ad salutem,  
sed sunt media ad æternam damna-  
tionem.

# CONSIDERATIO L.

**N**on paucos observavi Acatholi-  
cos, qui estd in vita fuerint per-  
tinacissimi in suis sectis, postea ta-  
men ubi ventum est ad articulum  
mortis convertebantur & desidera-  
bant mori in Fide Catholica. E con-  
tra nullum Catholicum notavi, qui  
ad extrema deveniens, optasset in  
Religione Acatholica mori, cum ta-  
men in hora mortis maximè aperi-  
antur homini Christiano, mentis o-  
culi, circa ea quæ concernunt æter-  
nam animæ salutem. Ego autem sic vi-  
vere statui, sicut vellem mori. Igi-  
tur maturè Fidem Catholicam ample-  
cti decrevi. Siquidem sicut mors est  
certissima, ita hora mortis est incer-  
tissima. His accessit, quod Catholi-  
ci cum

ei cum quibus de mea conversione  
 egi, hanc dabant mihi affecuratio-  
 nem: quod si propter susceptam Fi-  
 dem Catholicam damnari deberem,  
 ipsi parati sint pro me in die iudicii  
 respondere, & damnationem ater-  
 nam loco mei, vel mecum subire.  
 Qualem affecurationem non potui  
 obrinere vel extorquere ab aliarum  
 sectarum Prædicantibus; si in illorum  
 secta vixero & mortuus fuero: Unde  
 conclusi firmioribus fundamentis  
 niti Fidem Romano Catholicam  
 quàm alias sectas à Fide Romano-  
 Catholica alienas.





# EPILOGUS

S E U

## RECAPITULATIO

RATIONUM & MOTIVORUM

*Cur Fides Romano-Catholica sit  
eligenda & amplectenda ac aliis  
omnibus modernis Fidei Religio-  
nibus præferenda.*

**N**E temerè vel alios aliquos ob  
fines, vel vanas spes, putetis me  
Fidem Romano-Catholicam ample-  
xum fuisse, & vestras tanquam  
falsas ac impostorias Religiones re-  
iecissem, Sodales Amici mei Carissi-  
mi, Rationes & Motiva meæ con-  
versionis vobis hîc in compendio  
adduco, & recapitulo.

Summi

Sunt igitur ex vestra (quam quidem vos, male perivasi Evangelicam vocatis) religione, ad Fidem Romano-Catholicam conversus.

*Primo*, Ex eo, quod vos Lutherani & Calvinistæ in Hungaria, unum statum Evangelicum constitutere vultis, quod sanè mihi videbatur esse inconceptibile. Cum enim in multis articulis Fidei, inter vos difformes & prorsus oppositi sitis, capere planè non potui, quomodo ambæ vestræ inter se contrariæ doctrinæ, possint eidem Evangelio esse conformes? Quæ enim sunt diversa inter se, eadem uni tertio, per omnia non possunt esse conformia, uti ipsum lumen rationis dicat.

*Secundo*, Quod si autem alterutra ex his duabus Religionibus est conformis Evangelio, adeoque Evangelica, deberet id probare una v.g. Lutherana, de sua Religione tali argu-

(men)

mento, quo Calviniana Religio non  
posset æquè ac eodem jure uti pro  
probanda sua Religione quod sit  
Evangelica; & è contra. Tale autem  
argumentum neutra pars potest pro  
se adducere. Ergo non habui ratio-  
nem, cur potius deberem esse Lu-  
theranus, quàm Calvinista, nec è  
contra, & cur potius hanc, quàm il-  
lam judicarem esse Evangelicam.

*Tertio.* Quia non vidi rationem,  
cur soli Lutherani vocent se *Evan-*  
*gelicos*, & Calvinistæ *Reformata Re-*  
*ligionis*, & non debeant sic vocari  
etiam Anabaptistæ & novi Ariani,  
seu Unitarii. Ab illis siquidem non  
adfertur tale argumentum, hujus  
denominationis, quod ab his, non  
possit æquè ac eodem jure pro suis  
sectis applicari. Cum igitur non sit  
major ratio pro Lutheranis vel Cal-  
vinistis, quàm pro Anabaptistis, &  
Arianis, vel quibusvis modernis se-  
ctariis

ariis, quos Lutherani ac Calvinistæ excludunt ab his novitis titulis. ipsi quoque Lutherani & Calvinistæ, nec quoad rem, nec quoad denominationem, possunt dici Evangelici, vel Reformatæ Religionis. Ergo meritò has omnes sectas, ut potè earundem quisciliarum, rejeci.

*Quartò.* Quia constabat mihi multos, qui in Fide Romano-Catholica vixerunt & mortui sunt, salvatos esse ut vosmetipsi id fatemini. An autem aliquis sit salvatus ex aliis modernis sectis, nec quidem vobis ipsis constat. Securiorem igitur viam ad salutem volui mihi eligere.

*Quintò.* Imò hinc inferebam, vel ex eo Romano-Catholicam Fidem esse veram: Nam sine vera Fide non potest quis placere Deo, omnis autem qui salvatur placet Deo. Ergo cum multi salvati sint in Fide Romano-

mano

mano-Catholica, eam veram Fidem  
& salvificam oportet esse.

*Sextò.* Indè ulterius deducebam.  
Quòd cum Romano-Catholica Fi-  
des, sit salvifica adeoque vera omnes  
ab ea diversæ, Religiones sint fal-  
læ, siquidem una tantum Fides est  
vera ac salvifica, sicut unus tantum  
est verus DEUS.

*Septimò.* Quia Catholicos posse  
salvari in sua Religione non solùm  
ipsi Catholici constanter asserunt,  
sed Acatholici etiam ultra conce-  
dunt: In alia autem Religione ali-  
quem salvari posse, soli Acatholici,  
idq; singuli de suis sectis ominantur  
& dicunt, quòd Catholici absolute  
negant: Id verò quòd utraq; pars  
etiam sibi adversa concedit certius  
est, quàm id quod una tantum asse-  
rit, altera autem negat omnino.  
Ergo securius operari volens rati-  
onabiliter feci, quod Fidem Roma-

no-Ca-



no-Catholicam, ceteris omnibus  
prætulim.

*Octavb.* Quia consulendo vete-  
rum ac primitivæ Ecclesiæ SS: Pa-  
trum scripta, ab ipsdem solam Ro-  
mano-Catholicam intellexi extolli,  
fvideri, laudari, reliquas verd om-  
nes ab ea alienas reici & damnari.  
Horum igitur prudentissimum con-  
siliū ac iudiciū statui sequi.

*Nond.* Quia omnes Sancti & San-  
ctæ qui & quæ fuerunt ab instituta  
Ecclesia à CHRISTO usque ad præ-  
sens Tempus, fuerunt ac vixerunt  
in Ecclesia Romano-Catholica.

*Decimò.* Quia in Testimonium  
veritatis hujus Religionis, subierunt  
tot millia Martyrum, durissimam  
mortem ac sanguinem suū profu-  
derunt.

*Undecimò.* Quia omnes qui qui  
hanc Ecclesiam impugnarunt, & ab  
ea recesserunt, ut Arius, Machome-

tes,

tes, Pelagius, Marcion, Macedoni-  
us, &c. æternis ignibus additi sunt  
uti & eorum sequaces. Tales autem  
Hæresiarchæ fuerunt & Lutherus ac  
Calvinus, ac alii inventores moder-  
narum sectarum; nolui proindè me  
periculo æternæ damnationis illos  
sequendo exponere, neque enim  
vidi rationem, cur Pelagius & Ari-  
us sint Hæresiarchæ & non Lutherus  
ac Calvinus.

*Duodecimò.* Quia Romana Fides  
fuit eadem cum Fide S. Pauli, ipso  
S. Apostolo attestante. Ad Rom. 1. v. 2.  
Cur igitur debuissim quærere aliam  
Fidem, quàm quæ fuit S. Pauli.

*Decimotertio.* Quia si Romano-  
Catholicam Fidem, non prælegis-  
sem, nunquam electionem inter alias  
Religiones Fidei, finem cum ani-  
mæ meæ quiete fecissem, temper  
enim dubitasset, quænam ex tot ac  
tam variis sectis sit vera Fides ac  
salvifica.

*Decimoquartò.* Quia doctrinæ aliarum Religionum continent plurima paradoxa incredibila, & rectæ rationi prorsus difformia, ut patet ex Consideratione 15. 16. 17. & 18.

*Decimononò.* Quia omnes moderatæ Religiones diveriæ à Religione Romano-Catholica sunt novæ & tales quas nemo tenuit, docuit, aut fecutus est, ante Annum 1517. ut patet ex Consideratione 19.<sup>a</sup> & 20.

*Vigesimò.* Quia omnes hæ nove Religiones, sunt tantum ex antiquis hæresibus jam pridem ab Ecclesia diversis temporibus condemnatis cōfarcinatæ, & quidem ineptissimæ.

*Vigesimosecundò.* Quia soli Ecclesiæ Romano-Catholicæ conveniunt & quidem ampulsi, è, *Notæ* veræ CHRISTI Ecclesiæ, nempe quod sit una, Sancta, Apostolica & Catholica, seu universalis.

*Vigesimotertiò.* Quia ad hanc solam

lam̄ converſæ ſunt, & deſaſto con-  
vertantur omnes Gentes & populi,  
ex Gentiliſmo & Paganifmo ad ean-  
dem.

*Vigeſimoquartò.* Quia ante ſigna-  
ni modernarum Religionum, nullo  
ſigno ſeu miraculo, probârunt, vel  
probare poterant ſe à DEO miſſos:  
ad Reformationem Eccleſiæ.

*Vigeſimoquintò,* Quia jdem An-  
teſignani fuêre homines carnales,  
votiſragi, Apoſtata, impii, blaſphe-  
mi, ac ſcurriles.

*Vigeſimofextò.* Quia hæ Religi-  
ones nunquam laborant in Gentili-  
um ad CHR ſti Fidem converſione,  
ſed ſolùm in tepidorum Catholico-  
rum perversione.

*Vigeſimoſeptimò* Quia in Roma-  
no Catholica Eccleſia, multæ per-  
ſonæ ex utroque ſexu etiam maxi-  
mi ſtemmatis, & ſummarum divitiarũ,  
ſe oblequus Divinis ultro conſecrãt,  
vitam-

vitamque suam in paupertate voluntaria, & insaminata castitate transigunt. In aliis verò Religionibus fidei, nemo magnarum fortunarum statum Prædicantium assumere dignatur, nec ex his se ad continentiam resolvit, unde constat horum plerisque ex sola necessitate munus hoc obire; illos verò ex amore solius Dei & salutis animæ suæ, & Fidei veritate, ad tales status, se Deo consecrare.

*Vigesimo octavo.* Quia continentia quæ est donum Dei, nulli unquâ Prædicanti à Deo confertur, cum tamen in Religione Romano-Catholica tot sint Religiosi & Religioſæ, quæ non tantum continentiam, sed & insaminatam Virginitatem, per Dei gratiam usq; ad finem vitæ conservant.

*Vigesimo nono.* Quia scriptores Catholicos, pleriq; Argumentis suis, dum oppugnant Catholicos, ea impugnant, quæ illi non negant (ut sic eos



fic eos in odium apud plebem inducant) & ipsam Catholicam doctrinam prout ea apud eos docetur, vix attingunt, aut attingere audent.

*Trigesimo.* Quia idem, contra Catholicos magis Calumniis & manifestis mendaciis agunt, quam solidis argumentis.

*Trigesimo primo.* Quia & contra Aetholici, Catholicorum contra se argumenta, vel non solvunt, vel statim ad aliam controversiam materiam transeunt.

*Trigesimo secundo.* Quia novæ hæ Religiones pro libitu suo: Sacre Scripturæ libros & Canone Sacrorum librorum eliminant, & alios, pro suo arbitrio vertunt ac interpretantur, & quidem unusquisque juxta proprium suum sensum, cum tamen inter Catholicos, idem est Scripturæ Sacre librorum Canon, eadem versio, idem sensus, & eadem interpretatio.

*Trigesimo tertio.* Quia novæ hæ Religiones in ipsis Articulis Fidei plurimum inter se differunt, etiam qui sub eodem nomine continentur imò & in ipsis Catechismis quibus patris rudimenta fidei traduntur.

*Trigesimo quarto.* Quia ipsæ Augustanae confessiones, quas profundamento suæ Religionis Lutherani habent, maxime inter se differunt, à prima illa originali Augustana confessione discrepant.

*Trigesimo quinto.* Quia novæ hæ Religiones aperiant latam ac spatiosam viam, ad omnem licentiam carnis & voluptatum, cum tamen Christus docuerit arctam esse & angustam viam ad Cœlum.

*Trigesimo sexto.* Quia earundem defensores plurima Scripturæ Sacrae loca ac textus detruncant, aliqua addunt & ea ex suo proprio sensu interpretantur, insuper aliqua depravant

vant

ant & corrumpunt, vide Considerationem xxxvi.

*Trigesimo septimò.* Quia Religiones à Romano-Catholica alienæ, non sunt institutæ à Christo, nec habent successionem suæ doctrinæ & Pastorum, à temporibus Apostolorum.

*Trigesimo octavò.* Quia in scripturæ Sacræ interpretatione inter se discrepant, ut patet ex Consideratione 38. 39. 40.

*Quadragesimo primò.* Quia omnes res vetustæ, omnia veterum scripta, solam Romano Catholicam Ecclesiam fuisse in Christianitate radicatam & firmatam testantur.

*Quadragesimo secundò.* Quia Romana Ecclesia esto hæcenus fuerit, tam inde à sui initio oppugnata à diversis Tyrânnis, Ethnicis, Paganis & hæreticis, semper tamen mansit inconcussa & nunc quoquæ manet.

cum tamen hæreses aliæ, sicut exor-  
ta sunt, sic etiam interierunt.

*Quadragesima tertio.* Quia apud  
Acatholicos nulla est doctrina asce-  
tica, hoc est talis, quæ tractaret de  
perfectione & exercitio virtutum  
Christianarum, uti nec, ulla scien-  
tia de rebus moralibus seu observa-  
tione legum Divinarum, sed omnia  
permittuntur desideriis & concu-  
piscenciis depravatissimæ naturæ hu-  
manæ.

*Quadragesima quarto.* Quia con-  
ciliabula Acatholicorum etiam illa  
in quibus modernarum Religionum  
cursus sunt confessiones, seu professio-  
nes, nec quidem minimam com-  
parationem habere possunt sive quo-  
ad doctrinam, sive quoad sanctitatem  
ac virtutes, sive quoad nationum  
varietatem cum conciliis Generalibus  
Ecclesiæ Romano-Catholicæ, & Pa-  
tribus qui eisdem interfuerunt.

*Quæ-*

*Quadragesimo quinto.* Quia principia Acatholicorum non sunt apta ad formandam conscientiam bonam, homine Christiano dignam.

*Quadragesimo sexto.* Quia Prædicantes earum, solum ea proferunt, quæ sunt in contemptum Religionis Catholicæ, alia autem quæ sunt in sua Religione gravissima, & in perditionem manifestant animarum ipsis subij. clarum, penitus dissimulant.

*Quadragesimo septimo.* Quia ij qui inter Catholicos judicantur esse pessimi & tepidissimi, inter Acatholicos judicantur esse optimi & ferventissimi.

*Quadragesimo octavo.* Quia nemo est, qui ex Fide Romano-Catholica deficit ad alienas Religiones modernas, ex eo ut in ijs fiat melior, sed ut laxius & licentiosius vivere possit.

*Quadragesimo nono.* Quia eorum tam clara sunt Testimonia veritatis



**De** Spe, Charitate, Pœnitentia, Eleemosynis, & operibus misericordiz; quod sint proficua ad vitam æternam obtinendam; ac de ipsa Fide. Hæc tamen omnia contemnunt moderni Novatores; & solum Fidem ad salutem sufficientem esse docent.

*Quinquagesimo.* Quia etiam pertinacissimi Hæretici læpius desiderant mori in Fide Catholica ac etiam moriuntur. Nullus autem Catholicus optat mori in fide à Romano Catholico aliena.

His addo. Quod mihi vehementer semper displicuit in Prædicantibus se&ariorum, qui dum merita CHRISTI ac satisfactionem, mire extollunt; imitationem vitæ illius, auditoribus suis proponere, aut suadere penitus negligunt; quin eisdem prætensionem & ansam præbeant; ut de cavendis peccatis, & pœnitentia agenda, pro commissis,

penitentem  
miseri-  
d vitam  
sa Fide,  
nt mo-  
dem ad-  
nt.  
un per-  
deside-  
ac eti-  
em Ca-  
à Ro-  
nemem-  
dicanti-  
merita  
mire  
illius,  
e, aut  
quin  
ansam  
peccatis,  
com-  
ssis,

missis, minime sint solliciti, uti &  
de exercitio virtutum ac honorum  
operum, id pro se allegando, quod  
CHRISTUS Dominus abundè jam  
sua morte Sanctissima pro pecca-  
tis nostris satisfecerit, & Regnum  
Coelorum nobis promeritus sit.  
Atquè sic Passionem ac mortem  
CHRISTI, ac illius satisfactionem  
in vitæ licentiam sibi assumuat.  
Orthodoxa autem doctrina est:  
CHRISTI quidem mortem ac Pas-  
sionem esse sufficientissimam ex se,  
pro peccatis nostris, & totius hu-  
mani generis, ac infanti prorsus  
meriti extendentis se ad omne o-  
mnino præmium possibile, nihilo-  
minus CHRISTUM voluisse, illi-  
us fructum applicare nobis, ita ut  
nos imitando virtutes illius, ejus-  
dem Passionis cooperemur. Du-  
plex siquidem fuit Finis, adventus  
CHRISTI. Domini, in hunc mu-  
-

dum; primus erat, ut pro peccatis  
 nostris satisfaceret & ab æterna da-  
 mnatione, nos eriperet. Alter  
 verò, ut perfectissimum omnium  
 virtutum exemplar nobis daret, &  
 ad sui imitationem nos adduceret.  
 Quem finem ipsemet CHRISTUS  
 his verbis declarat. *Exemplum*  
*dedit vobis, ut quemadmodum Ego*  
*feci, ita & vos facitis.* Joan. 13.  
 v. 15. Et apud Matthæum 11.  
 v. 29. *Discite à me, quia mitis sum,*  
*& humilis corde.* Et S. Petrus pri-  
 mæ. cap: 1. v. 21. **CHRISTUS** passus  
 est pro nobis, vobis relinquens exem-  
 plum, ut sequamini vestigia ejus.

Hic ego jam vos alloquor, olim  
 mei in Religione Conlocales, &  
 nunc quoque amici, cognati & pa-  
 triotæ charissimi, atque per DEUM  
 obtestor, per quinque Vulnere  
**CHRISTI** ac sanguinem illius preti-  
 osum, quò redempti sumus  
 perque

perque salutem animæ vestræ atque  
nam, obsecro. Nolite certam vi-  
am ad cœlum relinquere pro incer-  
ta. Recogitate ad quam fidem  
Antecessores vestri & primi Chri-  
stiani nationis vestræ ex Gentilismo  
conversæ sunt. Perpendite in  
qua Fide Sancti illi, quos etiam  
vos pro talibus habetis vixerunt.  
Considerate hæc motiva meæ con-  
versionis vobis sincerissimo affec-  
tu allata. Et revertimini ad Fidem  
veterem, ad viam Patrum, ad semi-  
tas Sanctorum, ad Religionem il-  
lam quæ tot sæculis viguit, cujus  
veritas tot Martyrum sanguine fir-  
mata est. Quam omnes Sancti ve-  
teres Patres primitivæ Ecclesiæ de-  
fendunt & approbant, contra quam  
nec portæ inferi (ex ipsius CHRISTI  
promissione) prævalebunt. Consu-  
lite animabus vestris. Habete  
præ oculis salutem animarum ve-  
strarum

frarum. Quid enim proderit homini si universum mundum lucretur & animæ suæ detrimentum faciat, aut quam dabit commutationem quis pro anima sua? Unicam habemus animam, de cujus æterna felicitate hic agitur. Salus æterna non acquiritur sine vera fide. Fides autem vera, est unica, quæ non est alia quàm Catholica. Hanc ergo sequimini, nequè in ea complectenda intermini. DEUS det vobis hanc gratiam, ut per veram Fidem unanimiter ambulemus ad felicem æternitatem.

*Omnis plantatio quam non plantavit  
Pater meus Cælestis eradicabitur.*

Matth. 15. v. 13.

FINIS






it ho  
lucre-  
m fa-  
tatio-  
m ha-  
na fa-  
a non  
Fides  
n est  
ergo  
cien-  
vobis  
idem  
cem

tavie


ur.

T. 1. 1.


































































































100.

57/61

150

249-2

Biblioteka Jagiellońska



stdr0019295

